

續古文辭類纂

冊二

傳狀類

書堯典第一

曰李善作粵若稽古帝堯曰放勳說文古欽明文思緯作

安安緯作晏允恭克讓漢書作攘光漢書作橫被四表格說文于

上下克明俊戴記作峻德以親九族九族既睦平傳

作辨史便章百姓百姓昭明協和萬邦史漢並黎民於

變漢書作蕃孔時雍乃命羲和欽若昊天厯象日月

星辰敬授民依史改時分命羲仲宅嵎說文禺夷緯作禺

引緯及史作禺曰暘說文引谷寅李仲璇賓出日平

鄭作辨秩說文作平東作日中星鳥以殷仲史記

春厥民析鳥獸孳尾史記作申命羲叔宅南交鄭補

都三字平秩南爲史記作爲敬致日永星火以正仲夏

厥民因鳥獸希革分命和仲宅鄭引西日昧虞翻云

續古文辭類纂卷二

谷大傳作柳穀鄭云故書柳作櫛寅集韻作寅淺大傳作錢內大傳作入

日平秩西成宵中星虛以殷仲秋厥民夷鳥獸毛鄭

雉申命和叔宅朔方曰幽都平在朔易史記作便

日短星昴以正仲冬厥民與史記作煥鳥獸氄說文

又作毛說文一帝曰咨女依段羲暨和期說文三百

有六旬有六日以閏月定史記四時成歲允釐百工

庶績咸熙楊雄帝曰疇說文咨崔篆若時登庸放

齊曰胤子朱說文啓明帝曰吁嚚訟馬作頑凶可乎

帝曰疇咨若予采驩兜曰都共工方鳩僝功說文作

功一帝曰吁靖依漢言庸違象恭漢書滔天帝

曰咨白虎通四賈公彥岳湯湯洪水方割鄭詩譜疏

蕩蕩懷漢書山襄陵浩浩滔天下民其咨有能俾乂

說文僉曰於緜哉帝曰吁咈哉方漢書命圯族岳曰

異哉試可乃已帝曰往欽哉九載績用弗成帝曰咨

四岳朕在位七十載女能庸命巽史記朕位岳曰否

史記德忝帝位曰明明依文選改陋師錫帝曰有

矜依史改在下曰虞舜帝曰兪予聞如何岳曰瞽子父

頑母嚚象傲克諧以孝烝烝乂不格姦帝曰馬鄭王

二我其試哉女于時觀厥刑于二女釐降二女于嬀

汭嬪于虞帝曰欽哉慎釋文徽五典五典克從內于

百揆百揆時敘左史並賓于四門四門穆穆史記

上于大麓魏受禪烈風雷雨弗漢書迷帝曰格女舜

詢事考言乃底可績依北堂書鈔三載女陟帝位舜

讓于德弗嗣漢書作不怡史記作不懌徐廣云今文

不澤正月上日受終于文祖在璿大傳作璇唐石經

從考靈玉衡以齊七政肆說文作肆類于上帝禋續

曜作璽俗加土作堙魏于六宗望漢書望下于山川

志作堙俗加土作堙魏于六宗望漢書望下于山川

編史記班于羣神揖漢書注作揖五瑞既月乃日觀

四岳羣牧班瑞于羣后歲二月東巡狩釋文至于岱

宗崇望秩于山川肆史漢及何休觀東后協白虎通

並作時月正日同漢書引同律度量衡修五禮五玉

漢書作樂三帛二生封禪書一死擊說文作擊依如五器

卒乃復五月南巡狩至于南岳如岱禮八月西巡狩

至于西岳如初十有一月朔巡狩至于北岳如西禮

馬本作歸格于藝大傳祖用特五載一巡狩羣后四

朝敷漢書奏以言明試以功車服以庸肇大傳十有

二州封十有二山濬川象以典刑流宥五刑鞭作官

刑扑作教刑金作贖刑眚災肆赦怙終徐廣一賊刑

欽哉欽哉惟漢石經刑之卹徐廣云今哉流共工于

幽州放驩兜于崇山竄孟子三苗于三危殛鯀于羽

山四罪史記而天下咸服二十唐石經有八載放勳

姚方輿乃殂漢書注落說文無百姓如喪考妣三載

本作帝乃殂漢書注落說文無百姓如喪考妣三載

四海過

春秋繁露作闕

密八音月正

薛綜作正月

元日舜格于文

祖詢于四岳闢

說文引作闢史漢並作時

四門明四目達

史記作通

聰

杜預引

咨十有二牧曰食哉惟時柔遠能邇惇德

允元而難任

江熙人

蠻夷率

漢書作帥

服舜曰咨四岳有

能奮庸熙帝之載使宅百揆亮采惠疇僉曰伯禹作

司空帝曰兪咨禹女平水土惟時

說文作時惟

懋哉禹拜

稽首讓于稷契

說文作契

暨

說文作晨

皋陶

釋文又作谷絲

帝曰兪女

往哉帝曰棄黎民阻

漢書作阻毛詩疏引作阻

徐廣同

飢女居

依列女傳

校稷播時五穀帝曰契百姓不親五品不遜

說文作遜大傳

作訓史記作訓又作訓張

女作司徒敬敷

左傳作布漢書作輔

五教

史記重有二字

在寬帝曰皋陶蠻夷猾夏寇賊姦宄

鄭作

女作士

高誘引士下有師字

五刑有服五服三就五流有

宅

史記作度

五宅三居惟明克允帝曰疇若予工兪曰垂

哉帝曰兪咨垂女共工垂拜稽首讓于及

漢書作朱

斯暨

伯與

漢書作柏譽

帝曰俞往哉

崔瑗作才

女諧帝曰疇若予上

下草木鳥獸禹

姚方興作僉今依馬鄭王本

曰益哉帝曰俞咨益

女作朕虞益拜稽首讓于朱虎熊羆帝曰俞往哉女

諧帝曰咨四岳有能典朕三禮僉曰伯夷帝曰俞咨

伯

白虎通伯上有爾字史記伯下有夷字

女作秩宗夙夜惟寅直哉惟

清伯拜稽首讓于夔

緯作歸

龍帝曰俞往欽哉帝曰夔

命女典樂教胄

說文作育史記作棹

子直而溫寬而栗剛而無

虐簡而無傲

漢書作敖

詩言志歌

漢書作詠言聲

依永律和聲八音克諧

說文作錯

無相奪倫神人以和夔

曰於予擊石拊石百獸率舞帝曰龍朕堊讒

徐廣一作齊

說殄行

史記作僞史記作振

驚朕師命女作內言夙夜出內

史漢並作入

朕命惟允帝曰咨女二十有二人欽哉惟時

亮天功三載考績三考黜陟幽明庶績咸熙分北三

苗舜生三十徵

鄭本庸三二鄭作

十在位五十載陟方

乃死

雜記類

禮記深衣

古者深衣。蓋有制度。以應規矩繩權衡。短毋見膚。長毋被土。續衽鉤邊。要縫半下。袼之高下。可以運肘。袂之長短。反詘之。及肘。帶。下毋厭髀。上毋厭脅。當無骨者。制十有二幅。以應十有二月。袂圓。以應規。曲袷如矩。以應方。負繩及踝。以應直。下齊如權衡。以應平。故規者。行舉手以爲容。負繩抱方者。以直其政。方其義也。故易曰。坤六二之動。直以方也。下齊如權衡者。以安志而平心也。五法已施。故聖人服之。故規矩取其無私。繩取其直。權衡取其平。故先王貴之。故可以爲文。可以爲武。可以擯相。可以治軍旅。完且弗費。善衣之次也。具父母。大父母。衣純以續。具父母。衣純以青。

如孤子衣純以素純袂緣純邊廣各寸半。

禮記投壺

投壺之禮主人奉矢司射奉中使人執壺主人請曰
某有枉矢哨壺請以樂賓賓曰子有旨酒嘉肴某既
賜矣又重以樂敢辭主人曰枉矢哨壺不足辭也敢
固以請賓曰某既賜矣又重以樂敢固辭主人曰枉
矢哨壺不足辭也敢固以請賓曰某固辭不得命敢
不敬從賓再拜受主人般還曰辟主人阼階上拜送
賓般還曰辟已拜受矢進卽兩楹閒退反位揖賓就
筵司射進度壺閒以二矢半反位設中東面執八算
興請賓曰順投爲入比投不釋勝飲不勝者正爵既
行請爲勝者立馬一馬從二馬三馬既立請慶多馬
請主人亦如之命攷者曰請奏狸首閒若一大師曰
諾左右告矢具請拾投有入者則司射坐而釋一算


馬賓黨於右。主黨於左。卒投司射執算曰：左右卒投請數，二算爲純，一純以取一算爲奇。遂以奇算告曰：某賢於某若干純。奇則曰奇，鈞則曰左右鈞。命酌曰：請行觴。酌者曰：諾。當飲者皆跪奉觴曰：賜灌。勝者跪曰：敬養。正爵旣行，請立馬。馬各直其算，一馬從二馬以慶。慶禮曰：二馬旣備，請慶多馬。賓主皆曰：諾。正爵旣行，請徹馬。算多少視其坐籌室中五扶，堂上七扶，庭中九扶。算長尺二寸，壺頸脩七寸，腹脩五寸，口徑二寸半，容斗五升。壺中實小豆焉。爲其矢之躍而出也。壺去席二矢半，矢以柘若棘，毋去其皮。魯令弟子辭曰：毋幪，毋敖，毋偕立，毋踰言。偕立踰言有常爵。薛令弟子辭曰：毋幪，毋敖，毋偕立，毋踰言。若是者，浮司射庭長及冠士立者，皆屬賓黨。樂人及使者童子皆屬主黨。

按相臺本司射至主黨二十四字在盡用之爲射禮句下




鼓



魯鼓



以下為投壺禮盡用之為射禮魯鼓



周禮輪人

輪人為輪。斬三材必以其時。三材既具，巧者和之。轂也者，以為利轉也。輻也者，以為直指也。牙也者，以為固抱也。輪敝，三材不失職，謂之完望而眡其輪，欲其慎爾而下也。進也，進而眡之，欲其微至也。無所取之，取諸圓也。望其幅，欲其掣爾而纖也。進而眡之，欲其肉稱也。無所取之，取諸易直也。望其轂，欲其眼也。進而

眡之欲其轉之廉也。無所取之。取諸急也。眡其綆。欲其蚤之正也。察其蓄蚤不蠲。則輪雖敝不匡。凡斬轂之道。必矩其陰陽陽也者。積理而堅。陰也者。疏理而柔。是故以火養其陰。而齊諸其陽。則轂雖敝不歎。轂小而長。則柞大而短。則摯。是故六分其輪崇。以其一爲之牙圍。參分其牙圍而漆其二。棹其漆內而中誦之。以爲之轂長。以其長爲之圍。以其圍之防。捐其藪五分其轂之長。去一以爲賢。去二以爲軼。容轂必直。陳篆必正。施膠必厚。施筋必數。轉必負幹。旣摩革色青白。謂之轂之善。參分其轂長。二在外。一在內。以置其輻。凡輻量其鑿深。以爲輻廣。輻廣而鑿淺。則是以大抗。雖有良工。莫之能固。鑿深而輻小。則是固有餘而強不足也。故竑其輻廣以爲之弱。則雖有重任。轂不折。參分其輻之長。而殺其一。則雖有深泥。亦弗之

濂也。參分其股圍去一以爲較圍。揉輻必齊平。沈必均直以指牙。牙得則無槩而固。不得則有槩必足見也。六尺有六寸之輪。綆參分寸之二。謂之輪之固。凡爲輪行澤者。欲杼行山者。欲侷杼以行澤。則是刀以割塗也。是故塗不附。侷以行山。則是搏以行石也。是故輪雖敝。不麤干鑿。凡揉牙外不濂而內不挫。旁不腫。謂之用火之善。是故規之以眡其圓也。萬之以眡其匡也。縣之以眡其輻之直也。水之以眡其平。沈之均也。量其藪以黍。以眡其同也。權之以眡其輕重之侷也。故可規可萬。可水可縣。可量可權也。謂之國工。輪人爲蓋。達常圍三寸。程圍倍之六寸。信其程圍以爲部廣。部廣六寸。部長二尺。程長倍之四尺者。二十分寸之一。謂之枚。部尊一枚。弓鑿廣四枚。鑿上二枚。鑿下四枚。鑿深二寸有半。下直二枚。鑿端一枚。弓長

六尺謂之庇軼。五尺謂之庇輪。四尺謂之庇軫。參分弓長而揉其一。參分其股圍去一。以爲蚤圍。參分弓長以其一爲之尊。上欲尊而宇欲卑。上尊而宇卑。則吐水疾而雷遠。蓋已崇則難爲門也。蓋已卑是蔽目也。是故蓋崇十尺。良蓋弗冒。弗紘。殷畝而馳。不隊。謂之國工。

周禮輿人

輿人爲車。輪崇。車廣。衡長。參如一。謂之參稱。參分車廣去一。以爲隧。參分其隧一在前。二在後。以揉其式。以其廣之半爲之式崇。以其隧之半爲之較崇。六分其廣。以一爲之軫圍。參分軾圍去一。以爲式圍。參分式圍去一。以爲較圍。參分較圍去一。以爲軛圍。參分軛圍去一。以爲輶圍。圓者中規。方者中矩。立者中縣。衡者中水。直者如生焉。繼者如附焉。凡居材大與小。

無并大倚小則摧引之則絕棧車欲弇飾車欲侈

周禮駟人

駟人爲駟。駟有三度。軸有三理。國馬之駟深四尺有七寸。田馬之駟深四尺。駑馬之駟深三尺有三寸。軸有三理。一者以爲嫩也。二者以爲久也。三者以爲利也。軌前十尺而策半之。凡任水任正者十分其駟之長。以其一爲之圍。衡任者五分其長。以其一爲之圍。小于度謂之無任。五分其軫。閱以其一爲之軸。圍十分其駟之長。以其一爲之當兔之圍。參分其兔圍。去一以爲頸圍。五分其頸圍。去一以爲踵圍。凡揉駟欲其孫而無弧深。今夫大車之轅摯其登又難。旣克其登其覆車也必易。此無故唯轅直且無橈也。是故大車平地旣節軒摯之任及其登阨不伏其轅必溢其牛。此無故唯轅直且無橈也。故登阨者倍任者也。猶

能以登及其下阨也不援其邱必繕其牛後此無故
唯轅直且無橈也是故轉欲順典轉深則折淺則負
轉注則利準利準則久和則安轉欲弧而無折經而
無絕進則與馬謀退則與人謀終日馳騁左不捷行
數千里馬不契需終歲御衣衽不敝此唯轉之和也
勸登馬力馬力既竭轉猶能一取焉良轉環灑自伏
兔不至軌七寸軌中有灑謂之國轉軫之方也以象
地也蓋之圓也以象天也輪輻三十以象日月也蓋
弓二十有八以象星也龍旂九旂以象大火也鳥旗
七旂以象鶉火也熊旗六旂以象伐也龜蛇四旂以
象營室也弧旌枉矢以象弧也

周禮梓人

梓人爲筓虞天下之大獸五脂者膏者羸者羽者鱗
者宗廟之事脂者膏者以爲牲羸者羽者鱗者以爲


筍虞。外骨內骨。卻行仄行。連行紆行。以脰鳴者。以注
鳴者。以旁鳴者。以翼鳴者。以股鳴者。以胸鳴者。謂之
小蟲之屬。以爲雕琢。厚脣弁口。出目短耳。大胸耀後。
大體短脰。若是者謂之羸屬。恆有力而不能走。其聲
大而宏。有力而不能走。則於任重宜。大聲而宏。則於
鍾宜。若是者以爲鍾虞。是故擊其所懸。而由其虞鳴。
銳喙決吻。數目顧脰。小體騫腹。若是者謂之羽屬。恆
無力而輕。其聲清陽而遠聞。無力而輕。則於任輕宜。
其聲清陽而遠聞。於磬宜。若是者以爲磬虞。故擊其
所懸。而由其虞鳴。小首而長。搏身而鴻。若是者謂之
鱗屬。以爲筍。凡攫網援箸之類。必深其爪。出其目。作
其鱗之而深其爪。出其目。作其鱗之而則於眦。必撥
爾而怒。苟撥爾而怒。則於任重宜。且其匪色必似鳴
矣。爪不深目不出。鱗之而不作。則必積爾如委矣。苟

積爾如委則加任焉則必如將廢措其匪色必似不
鳴矣梓人爲飲器勺一升爵一升觚三升以爵而
酬以觚一獻而三酬則一豆矣食一豆內飲一豆酒
中人之食也凡試梓飲器鄉衡而實不虛梓師罪之
梓人爲侯廣與崇方參分其廣而鵠居一焉上兩個
與其身三下兩個半之上綱與下綱出舌尋纒寸焉
張皮侯而棲鵠則春以功張五采之侯則遠國屬張
獸侯則王以息燕祭侯之禮以酒脯醢其辭曰惟若
寧侯毋或若女不寧侯不屬于王所故抗而射女強
飲強食詒女曾孫諸侯百福

周禮匠人

匠人建國水地以縣置槷以縣砥以景爲規識日出
之景與日入之景晝參諸日中之景夜考之極星以
正朝夕匠人營國方九里旁三門國中九經九緯經

涂九軌。左祖右社，面朝後市。市朝一夫。夏后氏世室，堂脩二十七，廣四脩一，五室，三四步，四三尺，九階，四旁兩夾窗，白盛門，堂三之二，二室三之一。殷人重屋，堂脩七尋，堂崇三尺，四阿重屋。周人明堂，度九尺之筵，東西九筵，南北七筵，堂崇一筵，五室，凡室二筵，室中度以几，堂上度以筵，宮中度以尋，野度以步，涂度以軌。廟門容大扃七，闈門容小扃參，路門不容乘車之五，个應門二徹參，个內有九室，九嬪居之外，有九室，九卿朝焉。九分其國，以爲九分，九卿治之。王宮門阿之制五雉，宮隅之制七雉，城隅之制九雉，經涂九軌，環涂七軌，野涂五軌。門阿之制以爲都城之制，宮隅之制以爲諸侯之城制，環涂以爲諸侯經涂，野涂以爲都經涂。匠人爲溝洫，耜廣五寸，二耜爲耦，一耦之伐，廣尺深尺，謂之畝。田首倍之，廣二尺，深二尺，謂



賓之初筵。左右秩秩。籩豆有楚。殽核維旅。酒既和旨。飲酒孔偕。鐘鼓既設。舉醕逸逸。大侯既抗。弓矢斯張。射夫既同。獻爾發功。發彼有的。以祈爾爵。籥舞笙鼓。樂既和奏。烝衍烈祖。以洽百禮。百禮既至。有壬有林。錫爾純嘏。子孫其湛。其湛曰樂。各奏爾能。賓載手仇。室人入又。酌彼康爵。以奏爾時。賓之初筵。温温其恭。其未醉止。威儀反反。曰既醉止。威儀幡幡。舍其坐遷。屢舞僊僊。其未醉止。威儀抑抑。曰既醉止。威儀忸忸。是曰既醉。不知其秩。賓既醉止。載號載呶。亂我籩豆。屢舞僊僊。是曰既醉。不知其郵。側弁之俄。屢舞僊僊。既醉而出。並受其福。醉而不出。是謂伐德。飲酒孔嘉。維其令儀。凡此飲酒。或醉或否。既立之監。或佐之史。彼醉不臧。不醉反恥。式勿從謂。無俾大怠。匪言勿言。匪由勿語。由醉之言。俾出童毀。三爵不識。矧敢多又。

詩抑

抑抑威儀。維德之隅。人亦有言。靡哲不愚。庶人之愚。亦職維疾。哲人之愚。亦維斯戾。無競維人。四方其訓之。有覺德行。四國順之。訏謨定命。遠猶辰告。敬慎威儀。維民之則。其在于今。興迷亂于政。顛覆厥德。荒湛于酒。女雖湛樂從。弗念厥紹。罔敷求先王。克共明刑。肆皇天弗尚。如彼泉流。無淪胥以亡。夙興夜寐。洒掃廷內。維民之章。脩爾車馬。弓矢戎兵。用戒戎作用。邊蠻方質。爾人民。謹爾侯度。用戒不虞。慎爾出話。敬爾威儀。無不柔嘉。白圭之玷。尚可磨也。斯言之玷。不可爲也。無易由言。無曰苟矣。莫捫朕舌。言不可逝矣。無言不讎。無德不報。惠于朋友。庶民小子。子孫繩繩。萬民靡不承。視爾友君子。輯柔爾顏。不遐有愆。相在爾室。尚不愧于屋漏。無曰不顯。莫予云覲。神之格思。不

可度思矧可射思辟爾爲德俾臧俾嘉淑慎爾止不
愆于儀不僭不賊鮮不爲則投我以桃報之以李彼
童而角實虹小子荏染柔木言緡之絲溫溫恭人維
德之基其維哲人告之話言順德之行其維愚人覆
謂我僭民各有心於乎小子未知臧否匪手攜之言
示之事匪面命之言提其耳借曰未知亦旣抱子民
之靡盈誰夙知而莫成昊天孔昭我生靡樂視爾夢
夢我心慘慘誨爾諄諄聽我藐藐匪用爲教覆用爲
虐借曰未知亦聿旣耄於乎小子告爾舊止聽用我
謀庶無大悔天方艱難曰喪厥國取譬不遠昊天不
忒回通其德俾民大棘

詩小苾

予其懲而苾後患莫予荇蜂自求辛螫肇允彼桃蟲
拚飛維鳥未堪家多難予又集于蓼

左傳虞箴 襄公四年

芒芒禹迹。畫爲九州。經啓九道。民有寢廟。獸有茂草。各有攸處。德用不擾。在帝夷羿。冒于原獸。忘其國恤。而思其麀牡。武不可重。用不恢于夏家。獸臣司原。敢告僕夫。

禮記衛孔悝鼎銘

六月丁亥。公假于大廟。公曰。叔舅。乃祖莊叔。左右成。公成。公乃命莊叔。隨難于漢陽。卽宮于宗周。奔走無射。啓右獻公。獻公乃命成叔。纂乃祖服。乃考文叔。興舊者。欲作率慶。士躬恤衛國。其勤公家。夙夜不解。民咸曰。休哉。公曰。叔舅。予女銘。若纂。乃考服。悝拜稽首。曰。對揚以辟之。勤大命。施于烝彝鼎。

頌贊類

詩六月

六月棲棲戎車旣飭四牡騤騤載是常服獫狁孔熾
我是用急王于出征以匡王國比物四騫閑之維則
維此六月旣成我服我服旣成于三十里王于出征
以佐天子四牡脩廣其大有顛薄伐獫狁以奏膚公
有嚴有翼共武之服共武之服以定王國獫狁匪茹
整居焦穫侵鎬及方至于涇陽織文鳥章白旆央央
元戎十乘以先啓行戎車旣安如輕如軒四牡旣佶
旣佶且閑薄伐獫狁至于大原文武吉甫萬邦爲憲
吉甫燕喜旣多受祉來歸自鎬我行永久欽御諸友
魚鼈膾鯉侯誰在矣張仲孝友

詩采芑

薄言采芑于彼新田于此蓄畝方叔涖止其車三千
師干之試方叔率止乘其四騤四騤翼翼路車有奭
簟第魚服鈎膺鞶革薄言采芑于彼新田于此中鄉

方叔涖止。其車三千。旂旐央央。方叔率止。約軘錯衡。八鸞搶搶。服其命服。朱芾斯皇。有瑋蔥珩。歆彼飛隼。其飛戾天。亦集爰止。方叔涖止。其車三千。師干之試。方叔率止。鉦人伐鼓。陳師鞠旅。顯允方叔。伐鼓淵淵。振旅闐闐。蠢爾蠻荆。大邦爲讎。方叔元老。克壯其猶。方叔率止。執訊獲醜。戎車嘽嘽。嘽嘽焯焯。如霆如雷。顯允方叔。征伐獫狁。蠻荆來威。

詩車攻

我車旣攻。我馬旣同。四牡龐龐。駕言徂東。田車旣好。四牡孔阜。東有甫草。駕言行狩。之子于苗。選徒囂囂。建旐設旄。搏獸于敖。駕彼四牡。四牡奕奕。赤芾金舄。會同有繹。決拾旣飲。弓矢旣調。射夫旣同。助我舉柴。四黃旣駕。兩驂不猗。不失其馳。舍矢如破。蕭蕭馬鳴。悠悠旆旌。徒御不驚。大庖不盈。之子于征。有聞無聲。

允矣君子。展也大成。

詩皇矣

皇矣上帝。臨下有赫。監觀四方。求民之莫。維此二國。其政不獲。維彼四國。爰究爰度。上帝耆之。憎其式廓。乃眷西顧。此維與宅。作之屏之。其蓄其翳。修之平之。其灌其柵。啓之辟之。其檉其柶。攘之剔之。其慝其柘。帝遷明德。串夷載路。天立厥配。受命既固。帝省其山。柞棫斯拔。松柏斯兌。帝作邦作對。自大伯王季。維此王季。因心則友。則友其兄。則篤其慶。載錫之光。受祿無喪。奄有四方。維此王季。帝度其心。貊其德音。其德克明。克明克類。克長克君。王此大邦。克順克比。比于文王。其德靡悔。既受帝祉。施于孫子。帝謂文王。無然畔援。無然歆羨。誕先登于岸。密人不恭。敢距大邦。侵阮徂共。王赫斯怒。爰整其旅。以按徂旅。以篤周祜。以

對于天下。依其在京。侵自阮疆。陟我高岡。無矢我陵。
我陵我阿。無飲我泉。我泉我池。度其鮮原。居岐之陽。
在渭之將。萬邦之方。下民之王。帝謂文王。予懷明德。
不大聲以色。不長夏以革。不識不知。順帝之則。帝謂
文王。詢爾仇方。同爾兄弟。以爾鉤援。與爾臨衝。以伐
崇墉。臨衝閑閑。崇墉言言。執訊連連。攸馘安安。是類
是禱。是致是附。四方以無侮。臨衝蕭蕭。崇墉仡仡。是
伐是肆。是絕是忽。四方以無拂。

詩崧高

崧高維嶽。駿極于天。維嶽降神。生甫及申。維申及甫。
維周之翰。四國于蕃。四方于宣。亶亶申伯。王纘之事。
于邑于謝。南國是式。王命召伯。定申伯之宅。登是南
邦。世執其功。王命申伯。式是南邦。因是謝人。以作爾
庸。王命召伯。徹申伯土田。王命傅御。遷其私人。申伯

之功召伯是營有倣其城寢廟旣成旣成藐藐王錫
申伯四牡躑躑鉤膺濯濯王遣申伯路車乘馬我圖
爾居莫如南土錫爾介圭以作爾寶往近王舅南土
是保申伯信邁王餞于郿申伯還南謝于誠歸王命
召伯徹申伯土疆以峙其糗式遄其行申伯番番旣
入于謝徒御暉暉周邦咸喜戎有良翰不顯申伯王
之元舅文武是憲申伯之德柔惠且直揉此萬邦聞
于四國吉甫作誦其詩孔碩其風肆好以贈申伯

詩烝民

天生烝民有物有則民之秉彝好是懿德天監有周
昭假于下保茲天子生仲山甫仲山甫之德柔嘉維
則令儀令色小心翼翼古訓是式威儀是力天子是
若明命使賦王命仲山甫式是百辟纘戎祖考王躬
是保出納王命王之喉舌賦政于外四方爰發肅肅

王命仲山甫將之邦國若否仲山甫明之既明且哲
以保其身夙夜匪解以事一人人亦有言柔則茹之
剛則吐之維仲山甫柔亦不茹剛亦不吐不侮矜寡
不畏疆禦人亦有言德輶如毛民鮮克舉之我儀圖
之維仲山甫舉之愛莫助之袞職有闕維仲山甫補
之仲山甫出租四牡業業征夫捷捷每懷靡及四牡
彭彭八鸞鏘鏘王命仲山甫城彼東方四牡騤騤八
鸞啾啾仲山甫徂齊式遄其歸吉甫作誦穆如清風
仲山甫永懷以慰其心

詩江漢

江漢浮浮武夫滔滔匪安匪遊淮夷來求既出我車
既設我旃匪安匪舒淮夷來鋪江漢湯湯武夫洸洸
經營四方告成于王四方既平王國庶定時靡有爭
王心載寧江漢之游王命召虎式辟四方徹我疆土

匪疾匪棘。王國來極。于疆于理。至于南海。王命召虎。
來旬來宣。文武受命。召公維翰。無曰予小子。召公是
似。肇敏戎公。用錫爾祉。釐爾圭瓚。秬鬯一卣。告于文
人。錫山土田。于周受命。自召祖命。虎拜稽首。天子萬
年。虎拜稽首。對揚王休。作召公考。天子萬壽。明明天
子。令聞不已。矢其文德。洽此四國。

詩常武

赫赫明明。王命卿士。南仲大祖。大師皇父。整我六師。
以脩我戎。既敬既戒。惠此南國。王謂尹氏。命程伯休
父。左右陳行。戒我師旅。率彼淮浦。省此徐土。不留不
處。三事就緒。赫赫業業。有嚴天子。王舒保作。匪紹匪
遊。徐方繹騷。震驚徐方。如雷如霆。徐方震驚。王奮厥
武。如震如怒。進厥虎臣。闕如虢虎。鋪敦淮濱。仍執醜
虜。截彼淮浦。王師之所。王旅嘽嘽。如飛如翰。如江如

漢如山之苞如川之流。縣縣翼翼不測不克。濯征徐國。王猶允塞。徐方既來。徐方既同。天子之功。四方既平。徐方來庭。徐方不回。王曰還歸。

詩閔宮

閔宮有恤。實實枚枚。赫赫姜嫄。其德不回。上帝是依。無災無害。彌月不遲。是生后稷。降之百福。黍稷重穋。稷稷救麥。奄有下國。俾民稼穡。有稷有黍。有稻有秬。奄有下土。纘禹之緒。后稷之孫。實維大王。居岐之陽。實始翦商。至于文武。纘大王之緒。致天之屆。于牧之野。無貳無虞。上帝臨女。敦商之旅。克咸厥功。王曰叔父。建爾元子。俾侯于魯。大啓爾宇。爲周室輔。乃命魯公。俾侯于東。錫之山川。土田附庸。周公之孫。莊公之子。龍旂承祀。六轡耳耳。春秋匪解。享祀不忒。皇皇后帝。皇祖后稷。享以騂犧。是饗是宜。降福既多。周公皇

祖亦其福女。秋而載嘗。夏而福衡。白牡駢剛。犧尊將將。毛魚載羹。籩豆大房。萬舞洋洋。孝孫有慶。俾爾熾而昌。俾爾壽而臧。保彼東方。魯邦是常。不虧不崩。不震不騰。三壽作朋。如岡如陵。公車千乘。朱英綠縵。二矛重弓。公徒二萬。貝冑朱綬。烝徒增增。戎狄是膺。荆舒是懲。則莫我敢承。俾爾昌而熾。俾爾壽而富。黃髮台背。壽胥與試。俾爾昌而大。俾爾耆而艾。萬有千歲。眉壽無有害。泰山巖巖。魯邦所詹。奄有龜蒙。遂荒大東。至于海邦。淮夷來同。莫不率從。魯侯之功。保有鳧繹。遂荒徐宅。至于海邦。淮夷蠻貊。及彼南夷。莫不率從。莫敢不諾。魯侯是若。天錫公純嘏。眉壽保魯。居常與許。復周公之宇。魯侯燕喜。令妻壽母。宜大夫庶士。邦國是有。既多受祉。黃髮兒齒。徂來之松。新甫之柏。是斷是度。是尋是尺。松栢有烏。路寢孔碩。新廟奕奕。

奚斯所作。孔曼且碩。萬民是若。

詩長發

濬哲維商。長發其祥。洪水芒芒。禹敷下土。方外大國。
是疆。幅隕既長。有城方將。帝立子生商。玄王桓撥。受
小國。是達。受大國。是達。率履不越。遂視既發。相土烈
烈。海外有截。帝命不違。至于湯齊。湯降不遲。聖敬日
躋。昭假遲遲。上帝是祗。帝命式于九圍。受小球。大球。
爲下國。綴旒。何天之休。不競不綏。不剛不柔。敷政優
優。百祿是遒。受小共。大共。爲下國。駿厖。何天之龍。敷
奏其勇。不震不動。不難不竦。百祿是總。武王載旆。有
虔秉鉞。如火烈烈。則莫我敢曷。苞有三蘂。莫遂莫達。
九有有截。韋顧既伐。昆吾夏桀。昔在中葉。有震且業。
允也天子。降于卿士。實維阿衡。實左右商王。

詩殷武

捷彼殷武。奮伐荆楚。采入其阻。哀荆之旅。有截其所。
湯孫之緒。維女荆楚。居國南鄉。昔有成湯。自彼氐羌。
莫敢不來享。莫敢不來王。曰商是常。天命多辟。設都
于禹之績。歲事來辟。勿予禍適。稼穡匪解。天命降監。
下民有嚴。不潛不濫。不敢怠遑。命于下國。封建厥福。
商邑翼翼。四方之極。赫赫厥聲。濯濯厥靈。壽考且寧。
以保我後生。陟彼景山。松柏丸丸。是斷是遷。方斲是
虔。松栢有槩。旅楹有閑。寢成孔安。

辭賦類

詩猗嗟

猗嗟昌兮。頎而長兮。抑若揚兮。美目揚兮。巧趨蹌兮。
射則臧兮。猗嗟名兮。美目清兮。儀既成兮。終日射侯。
不出正兮。展我甥兮。猗嗟變兮。清揚婉兮。舞則選兮。
射則貫兮。四矢反兮。以禦亂兮。

詩蒹葭

蒹葭蒼蒼白露爲霜所謂伊人在水一方
遡洄從之道阻且長
遡游從之宛在水中央
蒹葭萋萋白露未晞
所謂伊人在水之湄
遡洄從之道阻且躋
遡游從之宛在水中坻
蒹葭采采白露未已
所謂伊人在水之涘
遡洄從之道阻且右
遡游從之宛在水中沚

詩七月

七月流火九月授衣一之日觴發二之日栗烈無衣
無褐何以卒歲三之日于耜四之日舉趾同我婦子
饁彼南畝田畯至喜七月流火九月授衣春日載陽
有鳴倉庚女執懿筐遵彼微行爰求柔桑春日遲遲
采芣苢芣苢女心傷悲殆及公子同歸七月流火八月
萑葦蠶月條桑取彼斧斨以伐遠揚猗彼女桑七月
鳴鵙八月載績載玄載黃我朱孔陽爲公子裳四月

秀萸五月鳴蜩。八月其穫。十月隕摵。一之日于貉。取
彼狐狸。爲公子裘。二之日其同。載纘武功。言私其縱。
獻豸于公。五月斯螽動股。六月莎雞振羽。七月在野。
八月在宇。九月在戶。十月蟋蟀入我牀下。穹窒熏鼠。
塞向墜戶。嗟我婦子。曰爲改歲。入此室處。六月食鬱
及薁。七月亨葵及菽。八月剝棗。十月穫稻。爲此春酒。
以介眉壽。七月食瓜。八月斷壺。九月叔苴。采荼薪樗。
食我農夫。九月築場圃。十月納禾稼。黍稷重穆。禾麻
菽麥。嗟我農夫。我稼既同。上入執宮功。晝爾于茅。宵
爾索綯。亟其乘屋。其始播百穀。二之日鑿冰沖沖。三
之日納于凌陰。四之日其蚤。獻羔祭韭。九月肅霜。十
月滌場。朋酒斯饗。曰殺羔羊。躋彼公堂。稱彼兕觥。萬
壽無疆。

詩東山

我徂東山。惓惓不歸。我來自東。零雨其濛。我東曰歸。我心西悲。制彼裳衣。勿士行枚。蜎蜎者蠋。烝在桑野。敦彼獨宿。亦在車下。我徂東山。惓惓不歸。我來自東。零雨其濛。果臝之實。亦施于宇。伊威在室。蠨蛸在戶。町疃鹿場。熠燿宵行。亦可畏也。伊可懷也。我徂東山。惓惓不歸。我來自東。零雨其濛。鸛鳴于垤。婦歎于室。洒掃穹窒。我征聿至。有敦瓜苦。烝在栗薪。自我不見。于今三年。我徂東山。惓惓不歸。我來自東。零雨其濛。倉庚于飛。熠燿其羽。之子于歸。皇駁其馬。親結其縢。九十其儀。其新孔嘉。其舊如之何。


詩采薇

采薇采薇薇亦作止。曰歸曰歸歲亦莫止。靡室靡家玁狁之故。不遑啓居玁狁之故。采薇薇采薇薇亦柔止。曰歸曰歸心亦憂止。憂心烈烈載飢載渴我戍未定。

靡使歸聘。采薇采薇薇亦剛止。曰歸曰歸歲亦陽止。王事靡盬不遑啓處。憂心孔疚我行不來。彼爾維何維常之華。彼路斯何。君子之車。戎車既駕四牡業業。豈敢定居。一月三捷。駕彼四牡四牡騤騤。君子所依。小人所腓。四牡翼翼象弭魚服。豈不日戒。玁狁孔棘。昔我往矣楊柳依依。今我來思雨雪霏霏。行道遲遲載渴載飢我心傷悲莫知我哀。

詩出車

我出我車于彼牧矣。自天子所謂我來矣。召彼僕夫謂之載矣。王事多難維其棘矣。我出我車于彼郊矣。設此旆矣。建彼旄矣。彼旃旐斯胡不旆旆憂心悄悄僕夫況瘁。王命南仲往城于方。出車彭彭旂旐央央。天子命我城彼朔方。赫赫南仲玁狁于襄。昔我往矣黍稷方華。今我來思雨雪載塗。王事多難不遑啓居。



醒誰秉國成不自爲政卒勞百姓駕彼四牡四牡項領我瞻四方蹙蹙靡所騁方茂爾惡相爾矛矣既夷既懌如相隳矣昊天不平我王不寧不懲其心覆怨其正家父作誦以究王誡式訛爾心以畜萬邦

詩正月

正月繁霜我心憂傷民之訛言亦孔之將念我獨兮憂心京京哀我小心瘋憂以瘁父母生我胡俾我瘳不自我先不自我後好言自口莠言自口憂心愈愈是以有侮憂心惇惇念我無祿民之無辜并其臣僕哀我人斯于何從祿瞻烏爰止于誰之屋瞻彼中林侯薪侯蒸民今方殆視天夢夢既克有定靡人弗勝有皇上帝伊誰云憎謂山蓋卑爲岡爲陵民之訛言寧莫之懲召彼故老訊之占夢具曰予聖誰知烏之雌雄謂天蓋高不敢不局謂地蓋厚不敢不踣維號

斯言有倫有脊。哀今之人。胡爲虺蜴。瞻彼阪田。有苑
其特。天之抗我。如不我克。彼求我則。如不我得。執我
仇仇。亦不我力。心之憂矣。如或結之。今茲之正。胡然
厲矣。燎之方揚。寧或滅之。赫赫宗周。褒姒滅之。終其
永懷。又窘陰雨。其車旣載。乃棄爾輔。載輸爾載。將伯
助予。無棄爾輔。員于爾輻。屢顧爾僕。不輸爾載。終踰
絕險。曾是不意。魚在于沼。亦匪克樂。潛雖伏矣。亦孔
之炤。憂心慘慘。念國之爲虐。彼有旨酒。又有嘉殽。洽
比其鄰。昏姻孔云。念我獨兮。憂心慙慙。怳怳彼有屋
蔌蔌。方有穀。民今之無祿。天天是極。嗇矣富人。哀此
惇獨。

荀子成相篇

楊倞注以初發語名篇雜論君臣治亂

喻意漢書藝文志謂之成相雜辭蓋亦賦之流也朱子楚辭後語取之

請成相。世之殃。愚闇。愚闇。墮賢良。人主無賢。如瞽無

相何俛俛請布基慎聖人愚而自專事不治主忌苟
勝羣臣莫諫必逢災論臣過反其施尊主安國尚賢
義拒諫飾非愚而上同國必禍曷謂罷國多私比周
還主黨與施遠賢近讒忠臣蔽塞主勢移曷謂賢明
君臣上能尊主愛下民主誠聽之天下爲一海內賓
主之孽讒人達賢能遁逃國乃蹙愚以重愚闇以重
闇成爲桀世之災妬賢能飛廉知政任惡來卑其志
意大其園囿高其臺榭楚辭後語
無榭字武王怒師牧野紂

卒易鄉啓乃下武王善之封

後語有
之字

於宋立其祖世

之衰讒人歸比干見剗箕子累武王誅之呂尚招麾
殷民懷世之禍惡賢士子胥見殺百里徙穆公得之
強配五伯六卿施世之愚惡大儒逆斥不通孔子拘
展禽三緇春申道綴基畢輪請牧基賢者思堯在萬
世如見之讒人罔極險陂傾側此之疑基必施辨賢

罷文武之道同伏戲由之者治不由者亂何疑爲凡

成相辨法方至治之極復後王慎墨季惠百家之說

誠不詳後語作祥治復一脩之吉君子執之心如結衆人

貳之讒夫棄之形是詰水至平端不傾心術如此象

聖人楊倞注而有執之上疑脫一字而有執直而用拙必參天世無

王窮賢良暴人芻豢仁人糟糠禮樂滅息聖人隱伏

墨術行治之經禮與刑君子以修百姓寧明德慎罰

國家旣治四海平治之志後執富君子誠之好以待

處之敦固有深藏之能遠思思乃精志之榮好而壹

之神以成精神相反一而不貳爲聖人治之道美不

老君子由之倭以好下以教誨子弟上以事祖考成

相竭辭不蹶君子道之順以達宗其賢良辨其殃孽

請成相道聖王堯舜尚賢身辭讓許由善卷重義輕

利行顯明堯讓賢以爲民汜利兼愛德施均辨治上

下貴賤有等明君臣堯授能舜遇時尚賢推德天下

治雖有賢聖適不遇世孰知之堯不德舜不辭妻以

二女任以事大人哉舜南面而立萬物備舜授禹以

天下尚得楊倞注得當為德推賢不失序外不避仇內不阿

親賢者予禹勞心力堯有德干戈不用三苗服舉舜

剛畝任之天下身休息得后稷五穀殖夔為樂正鳥

獸服契為司徒民知孝弟尊有德禹有功抑下鴻辟

除民害逐共工北決九河通十二渚疏三江禹溥楊倞

注溥讀為敷土平天下躬親為民行勞苦得益皋陶橫革

直成為輔契玄王生昭明居於砥石遷于商十有四

世乃有天乙是成湯天乙湯論舉當身讓卜隨舉牟

光道古賢聖基必張願陳辭世亂惡善不此治隱諱

疾賢良由姦詐鮮無災患難哉阪為先楊倞注阪與

之所為楚辭後語以聖字屬下句聖知不用愚者謀前車已覆後未

知更何覺時不覺悟不知苦迷惑失指易上下忠不
上達蒙揜耳目塞門戶門戶塞大迷惑悖亂昏莫不
終極是非反易比周欺上惡正直正是惡心無度邪
枉辟回夫後語作失道途己無郵人我獨自美豈獨楊倌注或
曰下無獨字無故不知戒後必有恨後遂過不肯悔讒夫
多進反覆言語生詐態人之態不如備爭寵嫉賢利
惡忌妬功毀賢下斂黨與上蔽匿上壅蔽失輔執任
用讒夫不能制孰公長父之難厲王流于彘周幽厲
所以敗不聽規諫忠是害嗟我何人獨不遇時當亂
世欲衷對言不從恐爲子胥身離凶進諫不聽剋而
獨鹿棄之江觀往事以自戒治亂是非亦可識託於
成相以喻意

請成相言治方君論有五約以明君謹守之下皆平
正國乃昌臣下職莫游食務本節用財無極事業聽

之莫得相使一民力守其職足衣食厚薄有等明爵

服利往印上莫得擅與孰私得君法明論有常表儀

既設民知方進退有律莫得貴賤孰私王君法儀禁

不爲莫不說教名不移修之者榮離之者辱孰它師

刑稱陳守其銀楊倅注銀與垠同下不得用輕私門罪禍有

律莫得輕重威不分請牧祺明有基主好論議必善

謀五聽循領莫不理續主執持聽之經明其請參伍

明謹施賞刑顯者必得隱者復顯民反誠言有節稽

其實信誕以分賞罰必下不欺上皆以情言明若日

上通利隱遠至觀法不法見不視耳目既顯吏敬法

令莫敢恣君教出行有律吏謹將之無鉞楊倅注鉞與披同

滑下不私請各以後語注以下疑脫所字宜舍巧拙臣謹修君

制變公察善思論不亂以治天下後世法之成律貫

荀子賦篇

爰有大物非絲非帛文理成章非日非月爲天下明
生者以壽死者以葬城郭以固三軍以強粹而王駁
而伯無一焉而亡臣愚不識敢請之王王曰此夫文
而不采者與簡然易知而致有理者與君子所敬而
小人所不者與性不得則若禽獸性得之則甚雅似
者與匹夫隆之則爲聖人諸侯隆之則一四海者與
致明而約甚順而體請歸之禮禮

皇天隆物以示下民或厚或薄帝不齊均桀紂以亂
湯武以賢惛惛淑淑皇皇穆穆周流四海曾不崇日
君子以修路以穿室大參于天精微而無形行義以
正事業以成可以禁暴足窮百姓待之而後寧泰臣
愚而不識願問其名曰此夫安寬平而危險隘者邪
修潔之爲親而雜汙之爲狄者邪甚深藏而外勝敵
者邪法禹舜而能弇迹者邪行爲動靜待之而後適

者邪。血氣之精也。志意之榮也。百姓待之而後寧也。天下待之而後平也。明達純粹而無疵也。夫是之謂君子之知知。

有物於此。居則周靜。致下。動則慕高。以鉅。員者中規。方者中矩。大參天地。德厚堯禹。精微乎毫毛。而盈大乎宇宙。忽兮其極之遠也。攝兮其相逐而反也。抑抑兮。天下之咸蹇也。德厚而不捐。五采備而成文。往來惛憊。通于大神。出入甚極。莫知其門。天下失之則滅。得之則存。弟子不敏。此之願陳。君子設辭。請測意之。曰。此夫大而不塞者與。充盈大宇而不窳。入郟穴而不傷者與。行遠疾速而不可託。誅者與。往來惛憊而不可爲固塞者與。暴至殺傷而不可億忌者與。功被天下而不私置者與。託地而游宇。友風而子雨。冬日作寒。夏日作暑。廣大精神。請歸之雲雲。

有物於此。儻儻兮其狀。屢化如神。功被天下。爲萬世
文禮樂以成。貴賤以分。養老長幼待之。而後存。名號
不美。與暴爲鄰。功立而身廢。事成而家敗。棄其耆老。
收其後世。人屬所利。飛鳥所害。臣愚而不識。請占之。
五帝帝占之曰。此夫身女好而頭馬首者。與屢化而
不壽者。與善壯而拙老者。與有父母而無牝牡者。與
冬伏而夏游。食桑而吐絲。前亂而後治。夏生而惡暑。
喜溼而惡雨。蛹以爲母。蛾以爲父。三俯三起。事乃大
已。夫是之謂蠶理蠶。

有物於此。生於山阜。處於室堂。無知無巧。善治衣裳。
不盜不竊。穿窬而行。日夜合離。以成文章。以能合從。
又善連衡。下覆百姓。上飾帝王。功業甚博。不見賢良。
時用則存。不用則亡。臣愚不識。敢請之王。王曰。此夫
始生鉅其成功小者邪。長其尾而銳其剽者邪。頭銛

達而尾趙繚者邪。一往一來。結尾以爲事。無羽無翼。反覆甚極。尾生而事起。尾遭而事已。譬以爲父。管以爲母。旣以縫表。又以連裏。夫是之謂箴理箴。

天下不治。請陳俛詩。天地易位。四時易鄉。列星隕墜。日暮晦盲。幽晦登昭。日月下藏。公正無私。反見從橫。志愛公利。重樓疏堂。無私罪人。懲革二兵。道德純備。讒口將將。仁人紉約。敖暴擅彊。天下幽險。恐失世英。螭龍爲蜺。蜺鳴梟爲鳳皇。比干見剗。孔子拘匡。昭昭乎。其知之明也。郁郁乎。其遇時之不祥也。拂乎其欲。禮義之大行也。楊倞注。當爲拂乎其遇時之不聞乎。詳也。郁郁乎其欲禮義之大行聞乎。天下之晦盲也。皓天不復。憂無疆也。千歲必反。古之常也。弟子勉學。天不忘也。聖人共手。時幾將矣。與愚以疑。願聞反辭。其小歌也。念彼遠方。何其塞矣。仁人

紉約。暴人行矣。忠臣危殆。讒人服矣。琺玉璫珠。不知

佩也。雜布與錦。不知異也。閭姬子奢。莫之媒也。嫫母
刁父。是之喜也。以盲爲明。以聾爲聰。以危爲安。以吉
爲凶。嗚呼上天。曷維其同。

哀祭類

書金縢冊祝

惟爾元孫某

史記作王發

溝厲虐疾。若爾三王。是有丕鄭

不史記

作負子徐廣作茲

之責于天。以日代某之身。予仁若

考此四字史記作旦

能多材多藝。能事鬼神。乃元孫不若

日多材多藝。不能事鬼神。乃命于帝庭。敷佑四方。用
能定爾子孫于下地。四方之民。罔不祇畏。嗚呼。無墜
天之降寶命。我先王亦永有依歸。今我卽命于元龜。
爾之許我。我其以璧與圭歸。俟爾命。爾不許我。我乃
屏璧與圭。

詩黃鳥

交交黃鳥止于棘誰從穆公子車奄息維此奄息百夫之特臨其穴惴惴其慄彼蒼者天殲我良人如可贖兮人百其身交交黃鳥止于桑誰從穆公子車仲行維此仲行百夫之防臨其穴惴惴其慄彼蒼者天殲我良人如可贖兮人百其身交交黃鳥止于楚誰從穆公子車鍼虎維此鍼虎百夫之禦臨其穴惴惴其慄彼蒼者天殲我良人如可贖兮人百其身

左傳衛太子蒯瞶禱神

哀公二年

曾孫蒯瞶敢昭告皇祖文王烈祖康叔文祖襄公鄭勝亂從晉午在難不能治亂使鞅討之蒯瞶不敢自佚備持矛焉敢告無絕筋無折骨無面傷以集大事無作二祖羞大命不敢請佩玉不敢愛

左傳魯哀公誅孔子

哀公十六年

昊天不弔不憇遺一老俾屏余一人以在位熒熒余

在彼嗚呼哀哉尼父無自律

續古文辭類纂卷二

敘記類


左傳秦晉韓之戰僖公十五年

晉侯之入也。秦穆姬屬賈君焉。且曰：盡納羣公子。晉侯烝於賈君。又不納羣公子。是以穆姬怨之。晉侯許賂中大夫。既而皆背之。賂秦伯以河外列城五。東盡虢略。南及華山。內及解梁城。既而不與。晉饑。秦輸之粟。秦饑。晉閉之糴。故秦伯伐晉。卜徒父筮之。吉。涉河。侯車敗。詰之。對曰：乃大吉也。三敗必獲晉君。其卦遇蠱。三三曰：千乘三去。三去之餘。獲其雄狐。夫狐蠱必其君也。蠱之貞風也。其悔山也。歲云秋矣。我落其實。而取其材。所以克也。實落材亡。不敗何待。三敗及韓。晉侯謂慶鄭曰：寇深矣。若之何。對曰：君實深之。可若何。公曰：不孫。卜右慶鄭吉。弗使步揚御戎。家僕徒爲

右乘小駟鄭入也慶鄭曰古者大事必乘其產生其水土而知其人心安其教訓而服習其道唯所納之無不如志今乘異產以從戎事及懼而變將與人易亂氣狡憤陰血周作張脈僨興外彊中乾進退不可周旋不能君必悔之弗聽九月晉侯逆秦師使韓簡視師復曰師少於我鬪士倍我公曰何故對曰出因其資入用其寵饑食其粟三施而無報是以來也今又擊之我怠秦奮倍猶未也公曰一夫不可狃況國乎遂使請戰曰寡人不佞能合其衆而不能離也君若不還無所逃命秦伯使公孫枝對曰君之未入寡人懼之入而未定列猶吾憂也苟列定矣敢不承命韓簡退曰吾幸而得囚壬戌戰于韓原晉戎馬還澶而止公號慶鄭慶鄭曰復諫違卜固敗是求又何逃焉遂去之梁由靡御韓簡號射爲右輅秦伯將止之

鄭以救公誤之遂失秦伯秦獲晉侯以歸晉大夫反
首拔舍從之秦伯使辭焉曰二三子何其感也寡人
之從君而西也亦晉之妖夢是踐豈敢以至晉大夫
三拜稽首曰君履后土而戴皇天皇天后土實聞君
之言羣臣敢在下風穆姬聞晉侯將至以天子鬻弘
與女簡璧登臺而履薪焉使以免服衰經逆且告曰
上天降災使我兩君匪以玉帛相見而以興戎若晉
君朝以入則婢子夕以死夕以入則朝以死唯君裁
之乃舍諸靈臺大夫請以入公曰獲晉侯以厚歸也
旣而喪歸焉用之大夫其何有焉且晉人感憂以重
我天地以要我我不圖晉憂重其怒也我食吾言背天
地也重怒難任背天不祥必歸晉君公子繫曰不如
殺之無聚慝焉子桑曰歸之而質其天子必得大成
晉未可滅而殺其君祇以成惡且史佚有言曰無始

禍無怙亂無重怒重怒難任陵人不祥乃許晉平晉
侯使卻乞告瑕呂飴甥且召之子金教之言曰朝國
人而以君命賞且告之曰孤雖歸辱社稷矣其卜貳
圍也衆皆哭晉於是乎作爰田呂甥曰君亡之不恤
而羣臣是憂惠之至也將若君何衆曰何爲而可對
曰征繕以輔孺子諸侯聞之喪君有君羣臣輯睦甲
兵益多好我者勸惡我者懼庶有益乎衆說晉於是
乎作州兵初晉獻公筮嫁伯姬於秦遇歸妹三三之
睽三三史蘇占之曰不吉其繇曰士刲羊亦無盍也
女承筐亦無貺也西鄰責言不可償也歸妹之睽猶
無相也震之離亦離之震爲雷爲火爲嬴敗姬車說
其輓火焚其旗不利行師敗于宗上歸妹睽孤寇張
之弧姪其從姑六年其逋逃歸其國而奔其家明年
其死於高梁之虛及惠公在秦曰先君若從史蘇之



也。臣而不臣，行將焉入？十一月，晉侯歸。丁丑，殺慶鄭而後入。是歲，晉又饑。秦伯又餼之粟，曰：「吾怨其君而矜其民，且吾聞唐叔之封也，箕子曰：『其後必大。』晉其庸可冀乎？姑樹德焉，以待能者。」於是秦始征晉河東，置官司焉。

左傳晉楚城濮之戰僖公二十八年

楚子將圍宋，使子文治兵於睽，終朝而畢，不戮一人。子玉復治兵於蔣，終日而畢，鞭七人，貫三人耳。國老皆賀子文，子文飲之酒，蔣賈尚幼，後至，不賀。子文問之，對曰：「不知所賀。子之傳政於子玉，曰：『以靖國也。』靖諸內而敗諸外，所獲幾何？子玉之敗，子之舉也。舉以敗國，將何賀焉？子玉剛而無禮，不可以治民。過三百乘，其不能以入矣。苟入而賀，何後之有？冬，楚子及諸侯圍宋，宋公孫固如晉告急。先軫曰：『報施救患，取威。』

定霸於是乎在矣。狐偃曰：楚始得曹而新昏于衛，若伐曹衛，楚必救之，則齊宋免矣。於是乎蒐于被廬，作三軍，謀元帥。趙衰曰：郤穀可。臣亟聞其言矣。說禮樂而敦詩書，詩書義之府也。禮樂德之則也。德義利之本也。夏書曰：賦納以言，明試以功，車服以庸。君其試之。乃使郤穀將中軍，卻縠佐之，使狐偃將上軍，讓於狐毛而佐之，命趙衰爲卿，讓於欒枝，先軫使欒枝將下軍，先軫佐之。荀林父御戎，魏犢爲右。晉侯始入而教其民。二年，欲用之。子犯曰：民未知義，未安其居，於是乎出定襄王，入務利民，民懷生矣。將用之。子犯曰：民未知信，未宣其用，於是乎伐原以示之信。民易資者，不求豐焉，明徵其辭。公曰：可矣乎。子犯曰：民未知禮，未生其共，於是乎大蒐以示之禮，作執秩以正其官。民聽不惑，而後用之。出穀戍，釋宋圍，一戰而霸。文

之教也。二十八年春，晉侯將伐曹，假道于衛。衛人弗許，還自南河濟，侵曹，伐衛。正月戊申，取五鹿。二月，晉卻縠卒，原軫將中軍，胥臣佐下軍，上德也。晉侯、齊侯盟于斂盂，衛侯請盟，晉人弗許。衛侯欲與楚國人，不欲，故出其君以說于晉。衛侯出居于襄牛，公子買戍衛，楚人救衛，不克。公懼於晉，殺子叢以說焉。謂楚人曰：「不卒戍也。」晉侯圍曹，門焉，多死。曹人尸諸城上，晉侯患之，聽輿人之謀，曰：「稱舍於墓，師遷焉。」曹人兇懼，爲其所得者棺而出之，因其兇也而攻之。三月丙午，入曹，數之，以其不用僖負羈而乘軒者三百人也。且曰：「獻狀，令無入僖負羈之宮，而免其族，報施也。」魏犢顛頤，怒曰：「勞之不圖，報於何有？」燕僖負羈氏，魏犢傷於胷，公欲殺之，而愛其材，使問且視之，病將殺之。魏犢束胷，見使者曰：「以君之靈，不有寧也。」距躍三百，曲

踊三百。乃舍之。殺顛頡。以徇于師。立舟之僑。以爲戎右。宋人使門尹般如晉師告急。公曰。宋人告急。舍之則絕。告楚不許。我欲戰矣。齊秦未可。若之何。先軫曰。使宋舍我而賂齊秦。藉之告楚。我執曹君而分曹衛之田。以賜宋人。楚愛曹衛。必不許也。喜賂怒頑。能無戰乎。公說。執曹伯。分曹衛之田。以畀宋人。楚子入居于申。使申叔去穀。使子玉去宋。曰。無從晉師。晉侯在外。十九年矣。而果得晉國。險阻艱難。備嘗之矣。民之情僞。盡知之矣。天假之年。而除其害。天之所置。其可廢乎。軍志曰。允當則歸。又曰。知難而退。又曰。有德不可敵。此三志者。晉之謂矣。子玉使伯棼請戰。曰。非敢必有功也。願以閒執讒慝之口。王怒。少與之師。唯西廣東宮。與若敖之六卒。實從之。子玉使宛春告於晉師。曰。請復衛侯而封曹。臣亦釋宋之圍。子犯曰。子玉

無禮哉。君取一，臣取二，不可失矣。先軫曰：子與之，定人之謂禮。楚一言而定三國，我一言而亡之，我則無禮，何以戰乎？不許楚言，是弃宋也。救而弃之，謂諸侯何？楚有二施，我有二怨，怨讎已多，將何以戰？不如私許復曹衛以攜之，執宛春以怒楚，既戰而後圖之。公說，乃拘宛春於衛，且私許復曹衛。曹衛告絕於楚，子玉怒，從晉師。晉師退，軍吏曰：以君辟臣，辱也。且楚師老矣，何故退？子犯曰：師直為壯，曲為老，豈在久乎？微楚之惠不及此，退三舍辟之，所以報也。背惠食言，以亢其讎，我曲楚直，其衆素飽，不可謂老。我退而楚還，我將何求？若其不還，君退，臣犯，曲在彼矣。退三舍，楚衆欲止，子玉不可。夏四月戊辰，晉侯、宋公、齊國歸父、崔夭、秦小子憖次于城濮。楚師背鄴而舍，晉侯患之，聽輿人之誦曰：原田每每，舍其舊而新是謀。公疑焉。

子犯曰戰也戰而捷必得諸侯若其不捷表裏山河必無害也公曰若楚惠何欒貞子曰漢陽諸姬楚實盡之思小惠而忘大恥不如戰也晉侯夢與楚子搏楚子伏己而盥其腦是以懼子犯曰吉我得天楚伏其罪吾且柔之矣子玉使鬬勃請戰曰請與君之士戲君憑軾而觀之得臣與寓曰焉晉侯使欒枝對曰寡君聞命矣楚君之惠未之敢忘是以在此爲大夫退其敢當君乎既不獲命矣敢煩大夫謂二三子戒爾車乘敬爾君事詰朝將見晉車七百乘鞶韞鞞鞞晉侯登有莘之虛以觀師曰少長有禮其可用也遂伐其木以益其兵己巳晉師陳于莘北胥臣以下軍之佐當陳蔡子玉以若敖之六卒將中軍曰今日必無晉矣子西將左子上將右胥臣蒙馬以虎皮先犯陳蔡陳蔡奔楚右師潰狐毛設二旆而退之欒枝使

輿曳柴而爲道。楚師馳之。原軫卻縠以中軍公族橫擊之。狐毛狐偃以上軍夾攻子西。楚左師潰。楚師敗績。子玉收其卒而止。故不敗。晉師三日館穀。及癸酉而還。甲午。至于衡雍。作王宮于踐土。鄉役之。三月。鄭伯如楚。致其師。爲楚師旣敗而懼。使子人九行成于晉。晉欒枝入盟。鄭伯五月丙午。晉侯及鄭伯盟于衡雍。丁未。獻楚俘于王。駟介百乘。徒兵千。鄭伯傅王。用平禮也。己酉。王享醴。命晉侯宥。王命尹氏及王子虎。內史叔興父。策命晉侯爲侯。伯。賜之大輅之服。戎輅之服。彤弓一。彤矢百。旅弓矢千。鉅鬯一卣。虎賁三百。人曰。王謂叔父。敬服王命。以綏四國。糾逖王慝。晉侯三辭從命。曰。重耳敢再拜稽首。奉揚天子之不顯休命。受策以出。出入三覲。衛侯聞楚師敗懼。出奔楚。遂適陳。使元咺奉叔武以受盟。癸亥。王子虎盟諸侯于

王庭要言曰。皆獎王室。無相害也。有渝此盟。明神殛之。俾隊其師。無克祚國。及而玄孫。無有老幼。君子謂是盟也。信。謂晉於是役也。能以德攻。初。楚子玉自爲瓊弁玉纓。未之服也。先戰。夢河神謂己曰。畀余。余賜女孟諸之麋。弗致也。大心與子西使榮黃諫。弗聽。榮季曰。死而利國。猶或爲之。況瓊玉乎。是糞土也。而可以濟師。將何愛焉。弗聽。出告二子曰。非神敗令尹。令尹其不勤民。實自敗也。旣敗。王使謂之曰。大夫若入。其若申息之老。何子西。孫伯曰。得臣將死。二臣止之。曰。君其將以爲戮。及連穀而死。晉侯聞之。而後喜可知也。曰。莫余毒也已。薦呂臣實爲令尹。奉己而已。不在民矣。

左傳晉楚邲之戰宣公十二年

厲之役鄭伯逃歸自是楚未得志焉鄭旣受盟于辰

陵又徵事于晉。十二年春，楚子圍鄭。旬有七日，鄭人卜行成，不吉。卜臨于大宮，且巷出車，吉。國人大臨，守陴者皆哭。楚子退師，鄭人脩城，進復圍之。三月，克之，入自皇門。至于逵路，鄭伯肉袒牽羊以逆，曰：「孤不天，不能事君，使君懷怒，以及敝邑，孤之罪也。敢不唯命是聽。」其俘諸江南，以實海濱，亦唯命。其翦以賜諸侯，使臣妾之，亦唯命。若惠顧前好，徼福於厲，宣桓武，不泯其社稷，使改事君，夷於九縣，君之惠也。孤之願也，非所敢望也。敢布腹心，君實圖之。左右曰：「不可許也。得國無赦。」王曰：「其君能下人，必能信用其民矣。庸可幾乎？」退三十里而許之。平潘厓入盟。子良出質。夏六月，晉師救鄭。荀林父將中軍，先穀佐之。士會將上軍，郤克佐之。趙朔將下軍，欒書佐之。趙括、趙嬰齊為中軍大夫，鞏朔、韓穿為上軍大夫，荀首、趙同為下軍大

夫韓厥爲司馬。及河。聞鄭旣及楚平。桓子欲還。曰：無及於鄭。而勦民焉。用之。楚歸而動。不後。隨武子曰：善。會聞用師。觀釁而動。德刑政事。典禮不易。不可敵也。不爲是征。楚軍討鄭。怒其貳。而哀其卑。叛而伐之。服而舍之。德刑成矣。伐叛刑也。柔服德也。二者立矣。昔歲入陳。今茲入鄭。民不罷勞。君無怨讎。政有經矣。荆尸而舉。商農工賈。不敗其業。而卒乘輯睦。事不奸矣。蔣敖爲宰。擇楚國之令典。軍行右轅。左追。蓐前茅。慮無中權。後勁。百官象物。而動。軍政不戒。而備。能用典矣。其君之舉也。丙。姓選於親。外。姓選於舊。舉不失德。賞不失勞。老有加惠。旅有施舍。君子小人。物有服章。貴有常尊。賤有等威。禮不逆矣。德立刑行。政成事時。典從禮順。若之何。敵之見可而進。知難而退。軍之善政也。兼弱攻昧。武之善經也。子姑整軍而經武乎。猶

有弱而昧者何必楚仲虺有言曰取亂侮亡兼弱也
灼曰於鑠王師遵養時晦耆昧也武曰無競惟烈撫
弱耆昧以務烈所可也彘子曰不可晉所以霸師武
臣力也今失諸侯不可謂力有敵而不從不可謂武
由我失霸不如死且成師以出聞敵疆而退非夫也
命爲軍帥而卒以非夫唯羣子能我弗爲也以中軍
佐濟知莊子曰此師殆哉周易有之在師三三之臨
三三三曰師出以律否臧凶執事順成爲臧逆爲否衆
散爲弱川壅爲澤有律以如己也故曰律否臧且律
竭也盈而以竭天且不整所以凶也不行之謂臨有
帥而不從臨孰甚焉此之謂矣果遇必敗彘子尸之
雖免而歸必有大咎韓獻子謂桓子曰彘子以偏師
陷子罪大矣子爲元帥師不用命誰之罪也失屬士
師爲罪已重不如進也事之不捷惡有所分與其專

罪六人同之不猶愈乎師遂濟楚子北師次于郟沈
尹將中軍子重將左子反將右將飲馬於河而歸聞
晉師既濟王欲還嬖人伍參欲戰令尹孫叔敖弗欲
曰昔歲入陳今茲入鄭不無事矣戰而不捷參之肉
其足食乎參曰若事之捷孫叔爲無謀矣不捷參之
肉將在晉軍可得食乎令尹南轅反旆伍參言於王
曰晉之從政者新未能行令其佐先穀剛愎不仁未
肯用命其三師者專行不獲聽而無上衆誰適從此
行也晉師必敗且君而逃臣若社稷何王病之告令
尹改乘轅而北之次于管以待之晉師在敖鄆之間
鄭皇戌使如晉師曰鄭之從楚社稷之故也未有貳
心楚師驟勝而驕其師老矣而不設備子擊之鄭師
爲承楚師必敗彘子曰敗楚服鄭於此在矣必許之
欒武子曰楚自克庸以來其君無日不討國人而訓

之。于。民。生。之。不。易。禍。至。之。無。日。戒。懼。之。不。可。以。怠。在。軍。無。日。不。討。軍。實。而。申。儆。之。于。勝。之。不。可。保。紂。之。百。克。而。卒。無。後。訓。之。以。若。敖。蚡。冒。筆。路。藍。縷。以。啓。山。林。箴。之。曰。民。生。在。勤。勤。則。不。匱。不。可。謂。驕。先。大。夫。子。犯。有。言。曰。師。直。爲。壯。曲。爲。老。我。則。不。德。而。徼。怨。于。楚。我。曲。楚。直。不。可。謂。老。其。君。之。戎。分。爲。二。廣。廣。有。一。卒。卒。偏。之。兩。右。廣。初。駕。數。及。日。中。左。則。受。之。以。至。于。昏。內。官。序。當。其。夜。以。待。不。虞。不。可。謂。無。備。子。良。鄭。之。良。也。師。叔。楚。之。崇。也。師。叔。入。盟。子。良。在。楚。楚。鄭。親。矣。來。勸。我。戰。我。克。則。來。不。克。遂。往。以。我。卜。也。鄭。不。可。從。趙。括。趙。同。曰。率。師。以。來。唯。敵。是。求。克。敵。得。屬。又。何。俟。必。從。彘。子。知。季。曰。原。屏。咎。之。徒。也。趙。莊。子。曰。欒。伯。善。哉。實。其。言。必。長。晉。國。楚。少。宰。如。晉。師。曰。寡。君。少。遭。閔。凶。不。能。文。聞。二。先。君。之。出。入。此。行。也。將。鄭。是。訓。定。豈。敢。求。

罪于晉二三子無淹久隨季對曰昔平王命我先君
文侯曰與鄭夾輔周室毋廢王命今鄭不率寡君使
羣臣問諸鄭豈敢辱侯人敢拜君命之辱莩子以爲
詔使趙括從而更之曰行人失辭寡君使羣臣遷大
國之迹於鄭曰無辟敵羣臣無所逃命楚子又使求
成于晉晉人許之盟有日矣楚許伯御樂伯攝叔爲
右以致晉師許伯曰吾聞致師者御靡旌摩壘而還
樂伯曰吾聞致師者左射以鼓代御執轡御下兩馬
掉鞅而還攝叔曰吾聞致師者右入壘折馘執俘而
還皆行其所聞而復晉人逐之左右角之樂伯左射
馬而右射人角不能進矢一而已麋興於前射麋麗
龜晉鮑癸當其後使攝叔奉麋獻焉曰以歲之非時
獻禽之未至敢膳諸從者鮑癸止之曰其左善射其
右有辭君子也旣免晉魏錡求公族未得而怒欲敗


晉師請致師弗許請使許之遂往請戰而還楚潘黨
逐之及熒澤見六麋射一麋以顧獻曰子有軍事獸
人無乃不給於鮮敢獻於從者叔黨命去之趙旃求
卿未得且怒於失楚之致師者請挑戰弗許請召盟
許之與魏錡皆命而往卻獻子曰二憾往矣弗備必
敗彘子曰鄭人勸戰弗敢從也楚人求成弗能好也
師無成命多備何為士季曰備之善若二子怒楚楚
人乘我喪師無日矣不如備之楚之無惡除備而盟
何損於好若以惡來有備不敗且雖諸侯相見軍衛
不徹警也彘子不可士季使鞏朔韓穿帥七覆于敖
前故上軍不敗趙嬰齊使其徒先具舟于河故敗而
先濟潘黨既逐魏錡趙旃夜至於楚軍席於軍門之
外使其徒入之楚子為乘廣三十乘分為左右右廣
雞鳴而駕日中而說左則受之日入而說許偃御右

廣養由基爲右。彭名御左。廣屈蕩爲右。乙卯。王乘左。廣以逐趙旃。趙旃弃車而走。林屈蕩搏之。得其甲裳。晉人懼。二子之怒楚師也。使輓車逆之。潘黨望其塵。使騁而告曰。晉師至矣。楚人亦懼。王之入晉軍也。遂出陳。孫叔曰。進之。寧我薄人。無人薄我。詩云。元戎十乘以先啓行。先人也。軍志曰。先人有奪人之心。薄之也。遂疾進師。車馳卒奔。乘晉軍。桓子不知所爲。鼓於軍中。曰。先濟者有賞。中軍下軍爭舟。舟中之指可掬也。晉師右移。上軍未動。工尹齊將右拒卒。以逐下軍。楚子使唐狡與蔡鳩居告唐惠侯曰。不穀不德而貪。以遇大敵。不穀之罪也。然楚不克。君之羞也。敢藉君靈。以濟楚師。使潘黨率游闕四十乘。從唐侯以爲左拒。以從上軍。駒伯曰。待諸乎。隨季曰。楚師方壯。若萃於我。吾師必盡。不如收而去之。分謗生民。不亦可乎。

殿其卒而退。不敗。王見右廣將從之乘。屈蕩戶之曰。君以此始。亦必以終。自是楚之乘廣先左。晉人或以廣隊不能進。楚人碁之。脫局少進。馬還。又碁之。拔旆投衡。乃出。顧曰。吾不如大國之數奔也。趙旃以其良馬二。濟其兄與叔父。以他馬反。遇敵不能去。弃車而走林。逢大夫與其二子乘。謂其二子無顧。顧曰。趙使在後。怒之。使下。指木曰。尸女於是。授趙旃綏以免。明日。以表尸之。皆重獲在木下。楚熊負羈囚知罃。知莊子以其族反之。廚武子御。下軍之士多從之。每射。抽矢。藪納諸廚子之房。廚子怒曰。非子之求。而蒲之愛。董澤之蒲。可勝旣乎。知季曰。不以人子。吾子其可得乎。吾不可以苟射故也。射連尹襄老獲之。遂載其尸。射公子穀臣。囚之。以二者還。及昏。楚師軍於邲。晉之餘師不能軍。宵濟。亦終夜有聲。丙辰。楚重至於邲。遂

次于衡雍。潘黨曰：君盍築武軍而收晉尸，以爲京觀。臣聞克敵必示子孫，以無忘武功。楚子曰：非爾所知也。夫文止戈爲武。武王克商，作頌曰：載戢干戈，載櫜弓矢。我求懿德，肆于時夏。允王保之。又作武，其卒章曰：耆定爾功。其三曰：鋪時繹思，我徂惟求定。其六曰：綏萬邦，屢豐年。夫武禁暴戢兵，保大定功，安民和衆，豐財者也。故使子孫無忘其章。今我使二國暴骨暴矣。觀兵以威諸侯，兵不戢矣。暴而不戢，安能保大。猶有晉在焉，得定功，所違民欲，猶多。民何安焉。無德而強爭諸侯，何以和衆。利人之幾，而安人之亂，以爲己榮，何以豐財。武有七德，我無一焉。何以示子孫。其爲先君宮，告成事而已。武非吾功也。古者明王伐不敬，取其鯨鯢而封之，以爲大戮。於是乎有京觀，以懲淫慝。今罪無所而民皆盡忠，以死君命，又可以爲京觀。

乎。祀于河。作先君宮。告成事而還。是役也。鄭石制實入楚師。將以分鄭。而立公子魚臣。辛未。鄭殺僕叔及子服。君子曰。史佚所謂毋怙亂者。謂是類也。詩曰。亂離瘼矣。爰其適歸。歸於怙亂者也。夫鄭伯許男如楚。秋。晉師歸。桓子請死。晉侯欲許之。士貞子諫曰。不可。城濮之役。晉師三日穀。文公猶有憂色。左右曰。有喜而憂。如有憂而喜乎。公曰。得臣猶在。憂未歇也。困獸猶鬪。況國相乎。及楚殺子玉。公喜而後可知也。曰。莫余毒也已。是晉再克而楚再敗也。楚是以再世不競。今天或者大警晉也。而又殺林父。以重楚勝。其無乃久不競乎。林父之事君也。進思盡忠。退思補過。社稷之衛也。若之何殺之。夫其敗也。如日月之食焉。何損於明。晉侯使復其位。



大夫之肅。故捷克於先大夫。無能爲役。請八百乘許之。卻克將中軍。士燮佐上軍。欒書將下軍。韓厥爲司馬。以救魯衛。臧宣叔逆晉師。且道之。季文子帥師會之。及衛地。韓獻子將斬人。卻獻子馳將救之。至則旣斬之矣。卻子使速以徇。告其僕曰。吾以分謗也。師從齊師于莘。六月壬申。師至于靡笄之下。齊侯使請戰。曰。子以君師辱於敝邑。不腆敝賦。詰朝請見。對曰。晉與魯衛兄弟也。來告曰。大國朝夕釋憾於敝邑之地。寡君不忍。使羣臣請於大國。無令輿師淹於君地。能進不能退。君無所辱命。齊侯曰。大夫之許寡人之願也。若其不許。亦將見也。齊高固入晉師。桀石以投人。禽之。而乘其車。繫桑本焉。以徇齊壘。曰。欲勇者。賈余餘勇。癸酉。師陳于鞌。邴夏御齊侯。逢丑父爲右。晉解張御卻克。鄭亡緩爲右。齊侯曰。余姑翦滅此而朝食。

不介馬而馳之。郤克傷於矢，流血及屨，未絕鼓音。曰：「余病矣。」張侯曰：「自始合，而矢貫余手及肘，余折以御左輪。朱殷豈敢言病？吾子忍之。」緩曰：「自始合，苟有險，余必下推車。子豈識之？然子病矣。」張侯曰：「師之耳目在吾旗鼓，進退從之。此車一人殿之，可以集事。若之何其以病敗君之大事也？擐甲執兵，固即死也。病未及死，吾子勉之。」左并轡，右援枹而鼓。馬逸不能止，師從之。齊師敗績，逐之。三周華不注。韓厥夢子輿謂己曰：且辟左右，故中御而從齊侯。邠夏曰：射其御者，君子也。公曰：謂之君子而射之，非禮也。射其左，越于車下，射其右，斃于車中。綦毋張喪車，從韓厥。曰：請寓乘。從左右，皆肘之，使立於後。韓厥俛定其右。逢丑父與公易位，將及華泉，驂絰於木而止。丑父寢於轡中，蛇出於其下，以肱擊之，傷而匿之，故不能推車而及韓。

厥執紼馬前再拜稽首奉觴加璧以進曰寡君使羣
臣爲魯衛請曰無令輿師陷入君地下臣不幸屬當
戎行無所逃隱且懼奔辟而忝兩君臣辱戎士敢告
不敏攝官承乏丑父使公下如華泉取飲鄭周父御
佐車宛莢爲右載齊侯以免韓厥獻丑父郤獻子將
戮之呼曰自今無有代其君任患者有一於此將爲
戮乎郤子曰人不難以死免其君我戮之不祥赦之
以勸事君者乃免之齊侯免求丑父三入三出每出
齊師以帥退入于狄卒狄卒皆抽戈楯冒之以入于
衛師衛師免之遂自徐關入齊侯見保者曰勉之齊
師敗矣辟女子女子曰君免乎曰免矣曰銳司徒免
乎曰免矣曰苟君與吾父免矣可若何乃奔齊侯以
爲有禮既而問之辟司徒之妻也子之石窳晉師從
齊師入自丘輿擊馬陘齊侯使賓媚人賂以紀甗玉

磬與地不可則聽客之所爲賓媚人致賂晉人不可
曰必以蕭同叔子爲質而使齊之封內盡東其畝對
曰蕭同叔子非他寡君之母也若以匹敵則亦晉君
之母也吾子布大命於諸侯而曰必質其母以爲信
其若王命何且是以不孝令也詩曰孝子不匱永錫
爾類若以不孝令於諸侯其無乃非德類也乎先王
疆理天下物土之宜而布其利故詩曰我疆我理南
東其畝今吾子疆理諸侯而曰盡東其畝而已唯吾
子戎車是利無顧土宜其無乃非先王之命也乎反
先王則不義何以爲盟主其晉實有闕四王之王也
樹德而濟同欲焉五伯之霸也勤而撫之以役王命
今吾子求合諸侯以逞無疆之欲詩曰布政優優百
祿是道子實不優而弃百祿諸侯何害焉不然寡君
之命使臣則有辭矣曰子以君師辱於敝邑不腆敝

賦以犒從者。畏君之震。師徒撓敗。吾子惠徼齊國之福。不泯其社稷。使繼舊好。唯是先君之敝器。土地不敢愛。子又不許。請收合餘燼。背城借一。敝邑之幸。亦云從也。況其不幸。敢不唯命。是聽。魯衛諫曰。齊疾我矣。其死亡者。皆親暱也。子若不許。讎我必甚。唯子則又何求。子得其國寶。我亦得地。而紓於難。其榮多矣。齊晉亦唯天所授。豈必晉。晉人許之。對曰。羣臣帥賦輿。以爲魯衛請。若苟有以藉口。而復於寡君。君之惠也。敢不唯命。是聽。禽鄭自師。逆公。秋七月。晉師及齊國佐。盟于袁婁。使齊人歸我汶陽之田。公會晉師于上鄆。賜三帥先路。三命之服。司馬司空輿帥。候正亞旅。皆受一命之服。

左傳晉楚鄢陵之戰成公十六年

晉侯將伐鄭。范文子曰。若逞吾願。諸侯皆叛。晉可以

逞若唯鄭叛晉國之憂可立俟也欒武子曰不可以

當吾世而失諸侯必伐鄭乃興師欒書將中軍士燮

佐之卻錡將上軍荀偃佐之韓厥將下軍卻至佐新

軍荀瑩居守卻犢如衛遂如齊皆乞師焉欒黶來乞

師孟獻子曰有勝矣

夏四月

戊寅晉師起鄭人聞有晉

師使告于楚姚句耳與往楚子救鄭司馬將中軍令

尹將左右尹子辛將右過申子反入見申叔時曰師

其何如對曰德刑詳義禮信戰之器也德以施惠刑

以正邪詳以事神義以建利禮以順時信以守物民

生厚而德正用利而事節時順而物成上下和睦周

旋不逆求無不具各知其極故詩曰立我烝民莫匪

爾極是以神降之福時無災害民生敦厯和同以聽

莫不盡力以從上命致死以補其闕此戰之所由克

也今楚內奔其民而外絕其好瀆齊盟而食話言奸

時以動而疲民以逞民不知信進退罪也。人恤所底其誰致死子其勉之。吾不復見子矣。姚句耳先歸子駟問焉。對曰。其行速過險而不整。速則失志。不整喪列。志失列喪。將何以戰。楚懼不可用也。五月。晉師濟河。聞楚師將至。范文子欲反。曰。我僞逃楚。可以紓憂。夫合諸侯。非吾所能也。以遺能者。我若羣臣輯睦。以事君。多矣。武子曰。不可。六月。晉楚遇於鄢陵。范文子不欲戰。卻至曰。韓之戰。惠公不振旅。箕之役。先軫不反命。邲之師。荀伯不復從。皆晉之恥也。子亦見先君之事矣。今我辟楚。又益恥也。文子曰。吾先君之亟戰也。有故。秦狄齊楚皆彊。不盡力。子孫將弱。今三彊服矣。敵楚而已。唯聖人能內外無患。自非聖人。外寧必有內憂。盍釋楚以爲外懼乎。甲午晦。楚晨壓晉軍。而陳軍吏患之。范句趨進曰。塞井夷竈。陳於軍中。而疏

行首晉楚唯天所授何患焉。文子執戈逐之曰：國之存亡，天也。童子何知焉？欒書曰：楚師輕窵，固壘而待之。三日必退，退而擊之，必獲勝焉。卻至曰：楚有六間，不可失也。其二，卿相惡。王卒以舊，鄭陳而不整，蠻軍而不陳，陳不違晦，在陳而蹢，合而加蹢，各顧其後，莫有鬪心。舊不必良，以犯天忌，我必克之。楚子登巢車，以望晉軍。子重使大宰伯州犂侍于王後。王曰：騁而左右，何也？曰：召軍吏也。皆聚於中軍矣。曰：合謀也。張幕矣。曰：虔卜於先君也。徹幕矣。曰：將發命也。甚蹢且塵上矣。曰：將塞井夷竈而爲行也。皆乘矣。左右執兵而下矣。曰：聽誓也。戰乎？曰：未可知也。乘而左右皆下矣。曰：戰禱也。伯州犂以公卒告王。苗賁皇在晉侯之側，亦以王卒告。皆曰：國士在，且厚，不可當也。苗賁皇言於晉侯曰：楚之良，在其中軍王族而已。請分良以

擊其左右而三軍萃於王卒必大敗之公筮之史曰吉其卦遇復三三三曰南國蹙射其元王中厥目國蹙王傷不敗何待公從之有淖於前乃皆左右相違於淖步殺御晉厲公欒鍼爲右彭名御楚共王潘黨爲右石首御鄭成公唐荀爲右欒范以其族夾公行陷於淖欒書將載晉侯鍼曰書退國有大任焉得專之且侵官冒也失官慢也離局姦也有二罪焉不可犯也乃掀公以出於淖癸巳潘尫之黨與養由基躡甲而射之徹七札焉以示王曰君有二臣如此何憂於戰王怒曰大辱國詰朝爾射死藝呂錡夢射月中之退入於泥占之曰姬姓日也異姓月也必楚王也射而中之退入於泥亦必死矣及戰射共王中目王召養由基與之兩矢使射呂錡中項伏殺以一矢復命卻至三遇楚子之卒見楚子必下免胄而趨風楚子

使工尹襄問之以弓。曰：方事之殷也。有韎韐之跗注。君子也。識見不穀而趨。無乃傷乎。郤至見客。免胄。承命曰：君之外臣至。從寡君之戎事。以君之靈。間蒙甲冑。不敢拜命。敢告不寧。君命之辱。爲事之故。敢肅使者。三肅使者而退。晉韓厥從鄭伯。其御杜溷羅曰：速從之。其御屢顧不在馬。可及也。韓厥曰：不可以再辱國君。乃止。郤至從鄭伯。其右蒯翰胡曰：謀輅之。余從之。乘而俘以下。郤至曰：傷國君有刑。亦止。石首曰：衛懿公。唯不去其旗。是以敗於熒。乃內旌於毀中。唐苟謂石首曰：子在君側。敗者壹大。我不如子。子以君免。我請止。乃死。楚師薄於險。叔山冉謂養由基曰：雖君有命。爲國故。子必射。乃射。再發。盡燼。叔山冉搏人以投中車。折軾。晉師乃止。囚楚公子茂。欒鍼見子重之旌。請曰：楚人謂夫旌。子重之麾也。彼其子重也。曰：臣

之使於楚也。子重問晉國之勇，臣對曰：「好以衆整。」曰：「又何如？」臣對曰：「好以暇。」今兩國治戎，行人不使，不可謂整。臨事而食言，不可謂暇。請攝飲焉。」公許之。使行人執盥承飲，造于子重。曰：「寡君乏使，使鍼御持矛，是以不得犒從者，使某攝飲。」子重曰：「夫子嘗與吾言於楚，必是故也，不亦識乎？」受而飲之，免使者而復鼓，日而戰。見星未已。子反命軍吏察夷傷，補卒乘，繕甲兵，展車馬，雞鳴而食，唯命是聽。晉人患之。苗賁皇徇曰：「蒐乘補卒，秣馬利兵，脩陳固列，蓐食申禱，明日復戰。」乃逸楚囚。王聞之，召子反謀。穀陽豎獻飲於子反，子反醉而不能見。王曰：「天敗楚也。」夫余不可以待，乃宵遁。晉入楚軍，三日穀。范文子立於戎馬之前，曰：「君幼，諸臣不佞，何以及此？」君其戒之。周書曰：「惟命不于常，有德之謂。」楚師還，及瑕。王使謂子反曰：「先大夫之覆。」

師徒者君不在子無以爲過不穀之罪也子反再拜稽首曰君賜臣死死且不朽臣之卒實奔臣之罪也子重使謂子反曰初隕師徒者而亦聞之矣盍圖之對曰雖微先大夫有之大夫命側側敢不義側亡君師敢亡其死王使止之弗及而卒

左傳宋之盟襄公二十七年

宋向戌善於趙文子又善於令尹子木欲弭諸侯之兵以爲名如晉告趙孟趙孟謀於諸大夫韓宣子曰兵民之殘也財用之蠹小國之大菑也將或弭之雖曰不可必將許之弗許楚將許之以召諸侯則我失爲盟主矣晉人許之如楚楚亦許之如齊齊人難之陳文子曰晉楚許之我焉得已且人曰弭兵而我弗許則固攜吾民矣將焉用之齊人許之告於秦秦亦許之皆告於小國爲會於宋五月甲辰晉趙武至於

宋丙午鄭良霄至。六月丁未朔。宋人享趙文子。叔向爲介。司馬置折俎禮也。仲尼使舉是禮也。以爲多文辭。戊申。叔孫豹齊慶封陳須無衛石惡至。甲寅。晉荀盈從趙武至。丙辰。邾悼公至。壬戌。楚公子黑肱先至。成言於晉。丁卯。宋向戌如陳。從子木成言於楚。戊辰。滕成公至。子木謂向戌請晉楚之從交相見也。庚午。向戌復於趙孟。趙孟曰。晉楚齊秦匹也。晉之不能於齊。猶楚之不能於秦也。楚君若能使秦君辱於敝邑。寡君敢不固請於齊。壬申。左師復言於子木。子木使駟謁諸王。王曰。釋齊秦。他國請相見也。秋七月。戊寅。左師至。是夜也。趙孟及子皙盟。以齊言。庚辰。子木至。自陳。陳孔奐蔡公孫歸生至。曹許之大夫皆至。以藩爲軍。晉楚各處其偏。伯夙謂趙孟曰。楚氛甚惡。懼難。趙孟曰。吾左還入於宋。若我何。辛巳。將盟於宋西門。

之外楚人衷甲伯州犁曰合諸侯之師以爲不信無
乃不可乎夫諸侯望信於楚是以來服若不信是弃
其所以服諸侯也固請釋甲子木曰晉楚無信久矣
事利而已苟得志焉焉用有信大宰退告人曰令尹
將死矣不及三年求逞志而弃信志將逞乎志以發
言言以出信信以立志參以定之信亡何以及三趙
孟患楚衷甲以告叔向叔向曰何害也匹夫一爲不
信猶不可單斃其死若合諸侯之卿以爲不信必不
捷矣食言者不病非子之患也夫以信召人而以僭
濟之必莫之與也安能害我且吾因宋以守病則夫
能致死與宋致死雖倍楚可也子何懼焉又不及是
曰弭兵以召諸侯而稱兵以害我吾庸多矣非所患
也季武子使謂叔孫以公命曰視邾滕旣而齊人請
邾宋人請滕皆不與盟叔孫曰邾滕人之私也我列

國也。何故視之。宋衛吾匹也。乃盟。故不書其族。言違命也。晉楚爭先。晉人曰。晉固爲諸侯盟主。未有先晉者也。楚人曰。子言晉楚匹也。若晉常先。是楚弱也。且晉楚狎主諸侯之盟也。久矣。豈專在晉。叔向謂趙孟曰。諸侯歸晉之德。只非歸其尸盟也。子務德。無爭先。且諸侯盟。小國固必有尸。盟者。楚爲晉細。不亦可乎。乃先楚人。書先晉。晉有信也。壬午。宋公兼享晉楚之大夫。趙孟爲客。子木與之言。弗能對。使叔向侍言焉。子木亦不能對也。乙酉。宋公及諸侯之大夫盟于蒙門之外。子木問於趙孟曰。范武子之德。何如。對曰。夫子之家事治。言於晉國。無隱情。其祝史陳信於鬼神。無愧辭。子木歸以語王。王曰。尚矣哉。能歆神人。宜其光輔五君。以爲盟主也。子木又語王曰。宜晉之伯也。有叔向以佐其卿。楚無以當之。不可與爭。晉苟盈。遂

如楚泣盟鄭伯享趙孟于垂隴子展伯有子西子產
子大叔二子石從趙孟曰七子從君以寵武也請皆
賦以卒君貺武亦以觀七子之志子展賦草蟲趙孟
曰善哉民之主也抑武也不足以當之伯有賦鶉之
賁賁趙孟曰牀第之言不踰闕況在野乎非使人之
所得聞也子西賦黍苗之四章趙孟曰寡君在武何
能焉子產賦隰桑趙孟曰武請受其卒章子大叔賦
野有蔓草趙孟曰吾子之惠也印段賦蟋蟀趙孟曰
善哉保家之主也吾有望矣公孫段賦桑扈趙孟曰
匪交匪敖福將焉往若保是言也欲辭福祿得乎卒
享文子告叔向曰伯有將爲戮矣詩以言志志誣其
上而公怨之以爲賓榮其能久乎幸而後亡叔向曰
然已侈所謂不及五稔者夫子之謂矣文子曰其餘
皆數世之主也子展其後亡者也在上不忘降印氏

其次也。樂而不荒，樂以安民，不淫以使之，後亡不亦可乎？宋左師請賞，曰：請免死之邑。公與之邑六十。以示子罕。子罕曰：凡諸侯小國，晉楚所以兵威之畏，而後上下慈和，慈和而後能安靖其國家，以事大國，所以存也。無威則驕，驕則亂生，亂生必滅，所以亡也。天生五材，民並用之，廢一不可，誰能去兵？兵之設久矣，所以威不軌而昭文德也。聖人以興，亂人以廢，廢興存亡，昏明之術，皆兵之由也。而子求去之，不亦誣乎？以誣道蔽諸侯，罪莫大焉。縱無大討，而又求賞，無厭之甚也。削而投之，左師辭邑。向氏欲攻司城，左師曰：我將亡，夫子存我，德莫大焉。又可攻乎？君子曰：彼其之子，邦之司直，樂喜之謂乎？何以恤我，我其收之。向戌之謂乎？

續古文辭類纂卷五

上編之五

典志類

書禹貢第三

禹敷荀子大戴史記竝作傅土隨山栞木奠高山大川冀州既

載壺口治梁及岐既脩大原至于岳史漢竝作嶽陽覃懷

底績至于衡漳漢書作漳厥土惟白壤厥賦惟上上錯厥

田惟中中恆衛既從大陸既作史記為鳥依史改夷皮服

夾右碣石入于河史記作海濟竝作洧河惟兗史記作沈州

九河既道雷夏既澤雍沮會同桑土既蠶是風俗通作民乃

降丘宅風俗通作度土厥土黑墳厥草說文作艸漢書作艸惟繇

厥木惟條厥田惟中下厥賦貞作十有三載史記作馬鄭

乃漢書作迺同厥貢漆絲厥篚說文作篚漢書作棊織文浮于

濟漯五經文作濞達史記作通于河海岱惟青州岬夷既略維

史記作維漢書作留其史記作既道厥土白墳海濱漢書作瀕廣

漢書作留其史記作既道厥土白墳海濱漢書作瀕廣

斥史漢竝作瀉厥田惟上下厥賦中上厥貢鹽絺海物惟

錯岱映絲泉鉛松怪石萊夷作牧厥篚麋史記作會絲浮

于汶達于濟海岱及淮惟徐州淮沂其乂蒙羽其藝

依漢書改大野漢書作壘既豬史記作都東原底平厥土赤埴鄭本作載

墳草木漸說文作薪包說文作苞厥田惟上中厥賦中中厥貢

惟土五色羽畎孔穎達引作剛夏翟漢書作狄嶧陽孤桐泗濱漢書

作瀕浮磬淮夷蠙釋文作玼又珠暨史漢竝作泉魚厥篚玄

纈縞浮于淮泗達于苑依說文水經注定正淮海惟揚唐石經作揚

州彭蠡既豬史記作都陽鳥攸漢書作適居三江既入震史記作振

澤底定篠說文作筱蕩釋文或作蕩既敷厥草惟夭厥木惟喬


厥土惟塗泥厥田惟下下厥賦下上上錯厥貢惟金

三品璠琨漢書作璠篠蕩齒革羽旄依史漢改惟木史漢竝無

此二字鳥夷卉服厥篚織貝厥包說文作苞橘柚錫貢浚

史漢竝作均于江海達于淮泗荆及衡陽惟荊州江

馬同鄭作松于江海達于淮泗荆及衡陽惟荊州江



皮西傾漢書作頃因桓是來浮于潛逾于沔入于渭亂于

河黑水西河惟雍州弱水既西涇屬渭汭釋文又漆

沮既從澧漢書作豐水攸同荆岐既史記作已旅終南惇

史漢並物至于鳥鼠原隰底績至于豬史記作都野漢書作壘

三危既宅史記作度三苗丕敘史漢並厥土惟黃壤厥田

惟上上厥賦中下厥貢惟璆琳釋文又琅玕浮于積

石至于龍門西河會于渭汭織皮昆依漢書改崙史記析

大戴作鮮後支渠搜史作度西戎卽敘史漢並道史

有九山岍釋文又作研及岐至于荆山逾于河壺口

雷首至于大岳史漢並底史記作砥柱析城至于王屋大

行恆山至于碣石入于海西傾漢書作頃朱圉漢志作圍鳥鼠

至于大華熊耳外方桐柏至于陪漢書作倍尾道蟠

冢至于荆山內方至于大別岷漢史作汶山之陽至于

衡山過九江至于敷漢志作博淺史記作城一原道史記有九

弱釋文或作水至于合黎漢書作藜餘波入于流沙

道黑水至于三危入于南海道河積石至于龍門南

至于華陰東至于底柱又東至于孟津東過維

汭漢志內至于大伾釋文又作伾或作邳北過降鄭云或非

蔡作水至于大陸又北播為九河同為逆漢志迎河入

于海嶓冢道漾史記作養東流為漢又東為滄史記蒼

浪之水過三澨至于大别南入于江東匯澤為彭蠡

東為北江入于海岷史記作汶山道江東別為沱又

東至于醴漢改過九江至于東陵東池北會于匯東

為中江入于海道沅水東流為濟漢志入于河洪史依

記改漢書作軼為熒東出于陶丘北說文出又東至于荷又

東北會于汶又北東史記作入于海道淮自桐柏東

會于泗沂東入于海道渭自烏鼠同穴東會于澧又

東會于涇史記作又東又東過漆沮入于河道維自

熊耳東北會于澗瀍又東會于伊又東北入于河九

州攸同四奧依正義本史記同唐石經作奧廣韻作奧既宅九山棗漢碑作甄

旅九川滌原史漢竝作既疏九澤既陂河渠書作灑四海會同六

府孔脩庶土交正底慎財賦咸則三壤成賦中邦錫

土姓祗台德先不距朕行五百里甸服百里賦納總

二百里納銍詩疏作銍三百里納秸漢書作戛鄭本作釋文或作稽服

四百里粟五百里米詩疏引粟米上竝有納字五百里侯服百里

采二百里男邦史記作任國二百里諸侯五百里綏服三

百里揆文教二百里奮武衛五百里要服三百里夷

二百里蔡五百里荒服三百里蠻二百里流東漸于

海西被于流沙朔南暨聲教訖于四海禹錫玄圭緯作

珪告厥成功

書顧命第二十四

惟四月哉生魄漢書作霸王不懌馬作不釋漢書有疾不豫甲子王

乃洮頹漢書水相被冕服馮依周禮注正說文作凭玉几乃同

召太保奭芮伯彤伯畢公衛侯毛公師氏虎臣漢書臣表彤伯作師伯虎百尹御事王曰烏呼疾大漸惟古今

幾病日臻既彌留恐不獲誓言嗣茲予審訓命女昔

君文王武王李善引昔君作昔宣重光奠麗陳教則

肄肄不違用克達漢石經殷集石經大命在後說文

之侗說文作敬迓天威嗣守文武大訓無敢昏逾今

天降疾殆弗興弗悟爾尚明時朕言用敬保元子釗

弘濟于艱難柔遠能邇安勸小大庶邦思夫人自亂

于威儀爾無以釗冒馬鄭王貢馬鄭王于非幾茲卽

依石受命還出綴衣于庭越翌依集日乙丑成依漢

此字馬鄭竝有王崩大保命仲漢表桓南宮毛漢表俾爰齊

侯呂伋以二千戈虎賁百人逆白虎通子釗于南門

之外延入翼後漢書室恤宅李賢宗丁卯命作冊度

續古文辭類纂 卷五 四 中華書局

越七日癸酉伯相命士須材狄設黼展石經綴衣石經隔

闕南鄉數說文重蔑說文用唐石經莫蔑古通席黼純華

玉仍几西序東鄉數重底玉篇作非席綴純文貝仍几

東序西鄉俗作周禮注定正敷重豐席畫純雕玉仍几

西夾南鄉數重筍席玄紛純漆仍几越玉五重陳寶

說文赤刀大訓弘璧琬琰在西序大玉夷玉天球河

圖在東序李善作河圖洛書蔡邕引顓胤之舞衣大貝鼉

鼓在西房兌之戈和之弓垂之竹矢在東房大路依

禮注在賓階面綴周禮注路在阼階面先路在左塾之

前次路在右塾之前二人雀弁執惠立于畢門之內

四人綦馬鄭弁執戈上刃夾兩階凡一人冕執劉立

于東堂一人冕執戈依釋文引立于西堂一人冕執

戣立于東垂一人冕執瞿立于西垂一人冕執銳說

文銳立于側階王麻冕黼裳由賓階躋卿士邦君麻冕

蟻裳入卽位太保太史太宗皆麻冕彤裳太保承

說文

作佩

介圭上宗奉同

白虎通作銅

瑁由阼階隋太史秉書

由賓階隋御王冊命曰皇后馮玉几道揚末命命女

嗣訓臨君

李善作君臨

周邦率循大卞燮和天下用答揚

文武之光訓王再拜興答

白虎通作對

曰眇眇予末小子

其能而亂四方以敬忌天威乃受同瑁王三宿三祭

三宅

說文亦作宅玉篇或作宅

上宗曰饗太保受同降

盥以異同秉璋以酢授宗人同拜王答拜太保受同

祭嘯宅授宗人同拜王答拜太保降收諸侯出廟門

俟王出在應門之內太保率西方諸侯入應門左畢

公率東方諸侯入應門右皆布乘黃朱

白虎通作輔衣黃朱紕

賓稱奉圭兼幣曰一二臣衛敢執壤奠皆再拜稽首

王義嗣德答拜太保暨芮伯咸進相揖皆再拜稽首

曰敢敬告天子皇天改大邦殷之命惟周文武誕受

續古文辭類纂卷五

美若克恤西土。惟新陟王。畢協賞罰。戡定厥功。用敷遺後人休。今王敬之哉。張皇六師。無壞我高祖寡命。

王若曰。馬鄭王本已下庶邦侯甸男衛。惟予一人釗

報誥。昔君文武。丕平富。不務咎。底至齊。信用昭明于

天下。則亦有熊羆之士。不二心之臣。保乂王家。用端

命于上帝。皇天用訓厥道。付畀四方。乃命建侯樹屏。

在我後之人。今予一二伯父。尚胥暨顧。綏爾先公之

臣服于先王。雖爾身在外。乃心罔漢書作無不在王室。用

奉恤厥若。無遺鞠子羞。羣公既皆聽命。相揖趨出。王

釋冕反。白虎通喪服無反字

儀禮士冠禮。儀禮依張爾岐鄭注句讀按鄭目錄云童子任職居士位年二十而冠

士冠禮。筮于廟門。主人玄冠朝服。緇帶素鞶。卽位于

門東。西面。有司如主人服。卽位于西方。東面。北上。筮

與席。所卦者。具饌于西塾。布席于門中。闈西。闕外。西

面筮人執筮抽上贖兼執之進受命於主人宰自右少退贊命筮人許諾左還卽席坐西面卦者在左卒筮書卦執以示主人主人受眊反之筮人還東面旅占卒進告吉若不吉則筮遠日如初儀徹筮席宗人告事畢主人戒賓賓禮辭許主人再拜賓答拜主人退賓拜送前期三日筮賓如求日之儀乃宿賓賓如主人服出門左西面再拜主人東面答拜乃宿賓賓許主人再拜賓答拜主人退賓拜送宿贊冠者一人亦如之厥明夕爲期于廟門之外主人立于門東兄弟在其南少退西面北上有司皆如宿服立于西方東面北上擯者請期宰告曰質明行事告兄弟及有司告事畢擯者告期于賓之家夙興設洗直于東榮南北以堂深水在洗東陳服于房中西墉下東領北上爵弁服纁裳純衣緇帶韎韐皮弁服素積緇帶素

鞞玄端玄裳黃裳雜裳可也。緇帶爵鞞。緇布冠。缺項青組纓。屬于缺。緇纒。廣終幅。長六尺。皮弁笄。爵弁笄。緇組紉。纒邊同。篋櫛。實於篋。蒲筵二。在南側。尊一。甌醴。在服北。有篚。實勺。觶角。枳脯。醢。南上。爵弁皮弁。緇布冠。各一。匱。執以待于西北。南南面。東上。賓升。則東面。主人玄端爵鞞。立于阼階下。直東序。西面。兄弟畢。衫玄。立于洗東。西面。北上。擯者玄端。負東塾。將冠者。采衣。紒。在房中。南面。賓如。主人服贊者。玄端。從之。立于外門之外。擯者告。主人迎。出門左。西面。再拜。賓答拜。主人揖贊者。與賓揖。先入。每曲揖。至于廟門。揖入。三揖。至于階。三讓。主人升。立于序端。西面。賓。西序。東面。贊者盥于洗。西升。立于房中。西面。南上。主人之贊者。筵于東序。少北。西面。將冠者出房。南面。贊者奠纒。笄櫛于筵。南端。賓揖。將冠者。將冠者。卽筵坐。贊者坐。

櫛設纒賓降主人降賓辭主人對賓盥卒壹揖壹讓
升主人升復初位賓筵前坐正纒興降西階一等執
冠者升一等東面授賓賓右手執項左手執前進容
乃祝坐如初乃冠興復位贊者卒冠者興賓揖之適
房服玄端爵鞞出房南面賓揖之卽筵坐櫛設筭賓
盥正纒如初降二等受皮弁右執項左執前進祝加
之如初復位贊者卒紘興賓揖之適房服素積素鞞
容出房南面賓降二等受爵弁加之服纁裳鞞鞞其
他如加皮弁之儀徹皮弁冠櫛筵入于房筵于戶西
南面贊者洗于房中側酌醴加枳覆之面葉賓揖冠
者就筵筵西南面賓授醴于戶東加枳面枋筵前北
面冠者筵西拜受觶賓東面答拜薦脯醢冠者卽筵
坐左執觶右祭脯醢以枳祭醴三興筵末坐啐醴建
枳興降筵坐奠觶拜執觶興賓答拜冠者奠觶于薦

東降筵北面坐取脯降自西階適東壁北面見于母
 母拜受子拜送母又拜賓降直西序東面主人降復
 初位冠者立于西階東南面賓字之冠者對賓出主
 人送于廟門外請醴賓賓禮辭許賓就次冠者見於
 兄弟兄弟再拜冠者答拜見贊者西面拜亦如之入
 見姑姑如見母乃易服服玄冠玄端爵韡摯見於
 君遂以摯見於鄉大夫鄉先生乃醴賓以壹獻之禮
 主人酬賓束帛儷皮贊者皆與贊冠者爲介賓出主
 人送于外門外再拜歸賓俎若不醴則醮用酒尊于
 房戶之間兩甌有禁玄酒在西加勺南枋洗有篚在
 西南順始加醮用脯醢賓降取爵于篚辭降如初卒
 洗升酌冠者拜受賓答拜如初冠者升筵坐左執爵
 右祭脯醢祭酒興筵末坐啐酒降筵拜賓答拜冠者
 奠爵于薦東立于筵西徹薦爵筵尊不徹加皮弁如

初儀再醮。攝酒。其他皆如初。加爵弁如初儀。三醮有乾肉折俎。饗之。其他如初。北面取脯。見于母。若殺則特豚。載合升。離肺。實于鼎。設局。鼎始醮如初。再醮兩豆。葵菹。羸醢。兩籩。栗脯。三醮。攝酒如再醮。加俎。饗之。皆如初。饗肺卒。醮取籩脯以降。如初。若孤子則父兄戒宿。冠之日。主人紒而迎賓。拜揖讓立于序端。皆如冠主禮。於阼。凡拜北面于阼階上。賓亦北面于西階上。答拜若殺則舉鼎陳于門外。直東塾北面。若庶子則冠于房外南面。遂醮焉。冠者母不在則使人受脯于西階下。戒賓曰。某有子某。將加布於其首。願吾子之教之也。賓對曰。某不敏。恐不能共事。以病吾子。敢辭。主人曰。某猶願吾子之終教之也。賓對曰。吾子重有命。某敢不從。宿曰。某將加布於某之首。吾子將莅之。敢宿。賓對曰。某敢不夙興。始加祝曰。令月吉日。始

加元服。棄爾幼志。順爾成德。壽考惟祺。介爾景福。再加曰。吉月令辰。乃申爾服。敬爾威儀。淑慎爾德。眉壽萬年。永受胡福。三加曰。以歲之正。以月之令。咸加爾服。兄弟具在。以成厥德。黃耆無疆。受天之慶。醴辭曰。甘醴惟厚。嘉薦令芳。拜受祭之。以定爾祥。承天之休。壽考不忘。醮辭曰。旨酒既清。嘉薦亶時。始加元服。兄弟具來。孝友時格。永乃保之。再醮曰。旨酒既滑。嘉薦伊脯。乃申爾服。禮儀有序。祭此嘉爵。承天之祜。三醮曰。旨酒令芳。籩豆有楚。咸加爾服。肴升折俎。承天之慶。受福無疆。字辭曰。禮儀既備。令月吉日。昭告爾字。爰字孔嘉。髦士攸宜。宜之于假。永受保之。曰伯某甫。仲叔季。唯其所當。履夏用葛。玄端黑履。青絢纁純。純博寸。素積白履。以魁柎之。緇絢纁純。純博寸。爵弁纁履。黑絢纁純。純博寸。冬皮履可也。不履纁履。

記

冠義始冠。緇布之冠也。太古冠布。齊則緇之。其綏也。孔子曰。吾未之聞也。冠而敝之可也。適子冠於阼。以著代也。醮於客位。加有成也。三加彌尊。諭其志也。冠而字之。敬其名也。委貌。周道也。章甫。殷道也。毋追。夏后氏之道也。周弁。殷桴。夏收。三王共皮弁素積。無大夫冠禮。而有其昏禮。古者五十而后爵。何大夫冠禮之有。公侯之有冠禮也。夏之末造也。天子之元子。猶士也。天下無生而貴者也。繼世以立諸侯。象賢也。以官爵人。德之殺也。死而諡。今也。古者生爵。死無諡。

儀禮士昏禮

鄭目錄云。士娶妻之禮。以昏爲期。因而名焉。必以昏者。陽往而陰來。日入三商。

爲昏。昏。本作昏。

昏禮下達。納采。用鴈。主人筵于戶西。西上。右几。使者玄端至。擯者出請事。入告。主人如賓服。迎于門外。再


拜賓不答拜揖入。至于廟門揖入。三揖。至于階。二讓。主人以賓升。西面。賓升西階。當阿。東面。致命。主人阼階上。北面再拜。授于楹閒。南面。賓降出。主人降。授老鴈。擯者出請。賓執鴈。請問名。主人許。賓入。授如初禮。擯者出請。賓告事畢。入告。出請醴。賓賓禮辭許。主人徹几。改筵。東上。側尊。甒醴于房中。主人迎賓于廟門外。揖讓如初。升。主人北面再拜。賓西階上。北面答拜。主人拂几授校。拜送。賓以几辟。北面設于坐左之西階上。答拜。贊者酌醴。加角。枲。面葉出于房。主人受醴。面枋。筵前。西北面。賓拜受醴。復位。主人阼階上。拜送。贊者薦脯醢。賓卽筵坐。左執解。祭脯醢。以枲祭醴。三。西階上。北面坐。啐醴。建枲。興坐。奠解。遂拜。主人答拜。賓卽筵。奠于薦左。降筵。北面坐。取脯。主人辭。賓降。授人脯出。主人送于門外。再拜。納吉。用鴈如納采禮。納。

徵玄纁束帛儷皮如納吉禮請期用鴈主人辭賓許告期如納徵禮期初昏陳三鼎于寢門外東方北面北上其實特豚合升去蹄舉肺脊二祭肺二魚十有四腊一肫脾不升皆飪設局鼎設洗于阼階東南饌于房中醯醬二豆菹醢四豆兼巾之黍稷四敦皆蓋大羹滫在饗尊于室中北墉下有禁玄酒在西綌冪加勺皆南枋尊于房戶之東無玄酒篚在南實四爵合盃主人爵弁纁裳緇襖從者畢玄端乘墨車從車二乘執燭前馬婦車亦如之有祿至于門外主人筵于戶西西上右几女次純衣纁褌立于房中南面姆纁笄宵衣在其右女從者畢袵玄纁笄被穎黼在其後主人玄端迎于門外西面再拜賓東面答拜主人揖入賓執鴈從至于廟門揖入三揖至于階三讓主人升西面賓升北面奠鴈再拜稽首降出婦從降自

西階主人不降送。婿御婦車。授綏姆辭不受。婦乘以几。姆加景。乃驅御者代。婿乘其車。先俟于門外。婦至。主人揖婦以入。及寢門。揖入。升自西階。媵布席于奧。夫入于室。卽席。婦尊西南面。媵御沃盥交。贊者徹尊。冪舉者盥出。除冪舉鼎入。陳于阼階南。西面。北上。七俎從。設北面。載執而俟。七者逆退。復位于門東。北面。西上。贊者設醬于席前。菹醢在其北。俎入。設于豆東。魚次。腊特于俎北。贊設黍于醬東。稷在其東。設湑于醬南。設對醬于東。菹醢在其南北。上設黍于腊北。其西。稷設湑于醬北。御布對席。贊啓會。卻于敦南。對敦于北。贊告具。揖婦卽對筵。皆坐。皆祭。祭薦黍稷肺。贊爾黍。授肺脊。皆食。以湑醬。皆祭。舉食舉也。二飯卒。食贊洗爵。酌醕。主人主人拜受。贊戶內北面答拜。醕婦亦如之。皆祭。贊以肝從。皆振祭。臍肝皆實于菹豆。卒。

贊皆拜贊答拜受爵再醑如初無從三醑用盞亦如
之爵洗爵酌于戶外尊入戶西北面奠爵拜皆答拜
坐祭卒爵拜皆答拜興主人出婦復位乃徹于房中
如設于室尊否主人說服于房媵受婦說服于室御
受姆授巾御衽于奧媵衽良席在東皆有枕北止主
人入親說婦之纓燭出媵餽主人之餘御餽婦餘贊
酌外尊酌之媵侍于戶外呼則聞夙興婦沐浴纒笄
宵衣以俟見質明贊見婦于舅姑席于阼舅即席席
于房外南面姑即席婦執笄棗栗自門入升自西階
進拜奠于席舅坐撫之興答拜婦還又拜降階受笄
媵脩升進北面拜奠于席姑坐舉以興拜授人贊醴
婦席于戶牖閒側尊甒醴于房中婦疑立于席西贊
者酌醴加枳面枋出房席前北面婦東面拜受贊西
階上北面拜送婦又拜薦脯醢婦升席左執鬴右祭

脯醢以柶祭醴三降席東面坐啐醴建柶興拜贊答拜婦又拜奠于薦東北面坐取脯降出授人于門外舅姑入于室婦盥饋特豚合升側載無魚腊無稷並南上其他如取女禮婦贊成祭卒食一醕無從席于北墉下婦徹設席前如初西上婦餽舅辭易醬婦餽姑之饌御贊祭豆黍肺舉肺脊乃食卒姑醕之婦拜受姑拜送坐祭卒爵姑受奠之婦徹于房中媵御餽姑醕之雖無媵媵先於是與始飯之錯舅姑共饗婦以一獻之禮舅洗于南洗姑洗于北洗奠酬舅姑先降自西階婦降自阼階歸婦俎于婦氏人舅饗送者以一獻之禮酬以束錦姑饗婦人送者酬以束錦若異邦則贈丈夫送者以束錦若舅姑既沒則婦入三月乃奠菜席于廟奧東面右几席于北方南面祝盥婦盥于門外婦執笄菜祝帥婦以入祝告稱婦之姓



適東壁。父醴女而俟迎者。母南面于房外。女出于母左。父西面戒之。必有正焉。若衣若笄。母戒諸西階上。不降。婦乘以几。從者二人坐持几相對。婦入寢門。贊者徹尊。冪酌玄酒。三屬于尊。棄餘水于堂下階閒。加勺。笄緇被纁裏。加于橋。舅答拜。宰徹笄。婦席薦饌于房。饗婦姑薦焉。婦洗在北堂。直室東隅。篚在東北面。盥婦酢舅。更爵自薦。不敢辭洗。舅降則辟于房。不敢拜洗。凡婦人相饗。無降。婦入三月。然後祭行。庶婦則使人醮之。婦不饋。昏辭曰。吾子有惠。貺室某也。某有先人之禮。使某也。請納采。對曰。某之子。意愚。又弗能教。吾子命之。某不敢辭。致命曰。敢納采。問名曰。某既受命。將加諸卜。敢請女爲誰氏。對曰。吾子有命。且以備數。而擇之。某不敢辭。醴曰。子爲事故。至於某之室。某有先人之禮。請醴從者。對曰。某既得將事矣。敢辭。

先人之禮敢固以請某辭不得命敢不從也納吉曰
吾子有貺命某加諸卜占曰吉使某也敢告對曰某
之子不教唯恐弗堪子有吉我與在某不敢辭納徵
曰吾子有嘉命貺室某也某有先人之禮儷皮束帛
使某也請納徵致命曰某敢納徵對曰吾子順先典
貺某重禮某不敢辭敢不承命請期曰吾子有賜命
某旣申受命矣惟是三族之不虞使某也請吉日對
曰某旣前受命矣唯命是聽曰某命某聽命于吾子
對曰某固唯命是聽使者曰某使某受命吾子不許
某敢不告期曰某日對曰某敢不敬須凡使者歸反
命曰某旣得將事矣敢以禮告主人曰聞命矣父醮
子命之辭曰往迎爾相承我宗事勗帥以敬先妣之
嗣若則有常子曰諾唯恐弗堪不敢忘命賓至擯者
請對曰吾子命某以茲初昏使某將請承命對曰某

固敬具以須。父送女。命之曰。戒之敬之。夙夜毋違。命母施衿結帨。曰。勉之敬之。夙夜無違。宮事庶母及門內。施鞶申之。以父母之命。命之曰。敬恭聽宗爾父母之言。夙夜無愆。視諸衿鞶。壻授綏姆辭曰。未教不足與爲禮也。宗子無父母命之親。皆沒己躬命之支子。則稱其宗弟。則稱其兄。若不親迎。則婦入三月。然後壻見。曰。某以得爲外昏。姻請覲。主人對曰。某以得爲外昏。姻之數。某之子未得濯漑於祭祀。是以未敢見。今吾子辱請吾子之就宮。某將走見。對曰。某以非他故。不足以辱命。請終賜見。對曰。某以得爲昏姻之故。不敢固辭。敢不從。主人出門左。西面。壻入門。東面。奠摯。再拜出。擯者以摯出。請受壻禮。辭許。受摯入。主人再拜受壻。再拜送出。見主婦。主婦闔扉。主于其內。壻立于門外。東面。主婦一拜。壻答再拜。主婦又拜。壻出。

主人請醴及揖讓入醴以一獻之禮主婦薦奠酬無幣皆出主人送再拜

儀禮喪服子夏傳

鄭目錄云天子以下死而相喪衣服年月親疎隆殺之禮不忍言死

而言喪喪者棄亡之辭若全存居於彼焉已亡之耳

喪服斬衰裳苴經杖絞帶冠繩纓菅屨者傳曰斬者何不緝也苴經者麻之有蕢者也苴經大攝左本在下去五分一以爲帶齊衰之經斬衰之帶也去五分一以爲帶大功之經齊衰之帶也去五分一以爲帶小功之經大功之帶也去五分一以爲帶苴杖竹也削杖桐也杖各齊其心皆下本杖者何爵也無爵而杖者何擔主也非主而杖者何輔病也童子何以不杖不能病也婦人何以不杖亦不能病也絞帶者繩帶也冠繩纓條屬右縫冠六升外畢鍛而勿灰衰三升菅屨者

菅菲也。外納居。倚廬寢。苦枕塊。哭晝夜無時。歆粥。朝一溢米。夕一溢米。寢不脫經帶。既虞。翦屏柱楣。寢有席。食疏食。水飲。朝一哭。夕一哭而已。既練。舍外寢。始食菜果。飯素食。哭無時。父傳曰。爲父何以斬衰也。父至尊也。諸侯爲天子。傳曰。天子至尊也。君傳曰。君至尊也。父爲長子。傳曰。何以三年也。正體於上。又乃將所傳重也。庶子不得爲長子。三年不繼祖也。爲人後者。傳曰。何以三年也。受重者。必以尊服服之。何如而可爲之後。同宗則可爲之後。何如而可以爲人後。支子可也。爲所後者之祖。父母妻。妻之父母。昆弟。昆弟之子。若子。妻爲夫。傳曰。夫至尊也。妾爲君。傳曰。君至尊也。女子子在室。爲父。布總。箭筈。鬢衰。二年。傳曰。總六升。長六寸。箭筈長尺。吉筈尺二寸。子嫁。反在父之室。爲父三年。公士大夫之衆臣。爲其君。布帶繩屨。傳

曰公卿大夫室老士貴臣其餘皆衆臣也。君謂有地者也。衆臣杖不以卽位。近臣君服斯服矣。繩屨者繩菲也。疏衰裳齊牡麻經冠布纓削杖布帶疏屨三年者傳曰齊者何緝也。牡麻者枲麻也。牡麻經右本在上。冠者沽功也。疏屨者薦蒯之菲也。父卒則爲母繼母如母傳曰繼母何以如母繼母之配父與因母同故孝子不敢殊也。慈母如母傳曰慈母者何也傳曰妾之無子者妾子之無母者父命妾曰女以爲子命子曰女以爲母若是則生養之終其身如母死則喪之三年如母貴父之命也。母爲長子傳曰何以三年也父之所不降母亦不敢降也。疏衰裳齊牡麻經冠布纓削杖布帶疏屨期者傳曰問者曰何冠也曰齊衰大功冠其受也。緦麻小功冠其衰也。帶緣各視其冠。父在爲母傳曰何以期也。屈也。至尊在不敢伸其

私尊也。父必三年然後娶。達子之志也。妻傳曰：爲妻何以期也。妻至親也。出妻之子爲母。傳曰：出妻之子爲母。期則爲外祖。父母無服。傳曰：絕族無施服。親者屬。出妻之子爲父後者則爲出母。無服。傳曰：與尊者爲一體。不敢服其私親也。父卒繼母嫁從爲之服。報傳曰：何以期也。貴終也。不杖麻屨者。祖父母傳曰：何以期也。至尊也。世父母、叔父母傳曰：世父、叔父何以期也。與尊者一體也。然則昆弟之子何以亦期也。旁尊也。不足以加尊焉。故報之也。父子一體也。夫妻一體也。昆弟一體也。故父子首足也。夫妻牝合也。昆弟四體也。故昆弟之義無分。然而有分者則辟子之私也。子不私其父則不成爲子。故有東宮、有西宮、有南宮、有北宮。異居而同財。有餘則歸之宗。不足則資之宗。世母、叔母何以亦期也。以名服也。大夫之適子爲

妻傳曰何以期也。父之所不降子亦不敢降也。何以不杖也。父在則爲妻不杖。昆弟爲衆子。昆弟之子傳曰何以期也。報之也。大夫之庶子爲適昆弟。傳曰何以期也。父之所不降子亦不敢降也。適孫傳曰何以期也。不敢降其適也。有適子者無適孫。孫婦亦如之。爲人後者爲其父母報傳曰何以期也。不貳斬也。何以不貳斬也。持重於大宗者降其小宗也。爲人後者孰後。後大宗也。曷爲後大宗。大宗者尊之統也。禽獸知母而不知父。野人曰父母何算焉。都邑之士則知尊禰矣。大夫及學士則知尊祖矣。諸侯及其大祖。天子及其始祖之所自出。尊者尊統上。卑者尊統下。大宗者尊之統也。大宗者收族者也。不可以絕。故族人以支子後大宗也。適子不得後大宗。女子子適人者爲其父母昆弟之爲父後者。傳曰爲父何以期也。婦

人不貳斬也。婦人不貳斬者何也？婦人有二從之義，無專用之道。故未嫁從父，既嫁從夫。夫死從子，故父者子之天也。夫者妻之天也。婦人不貳斬者，猶曰不貳天也。婦人不能貳尊也。爲昆弟之爲父後者，何以亦期也？婦人雖在外，必有歸宗。曰小宗，故服期也。繼父同居者，傳曰：何以期也？傳曰：夫死，妻穉，子幼，子無大功之親，與之適人，而所適者亦無大功之親，所適者以其貨財爲之築宮廟，歲時使之祀焉。妻不敢與焉。若是，則繼父之道也。同居則服齊衰，異居則服齊衰三月也。必嘗同居，然後爲異居。未嘗同居，則不爲異居。爲夫之君，傳曰：何以期也？從服也。姑姊妹女子子，適人無主者，姑姊妹報，傳曰：無主者，謂其無祭主者也。何以期也？爲其無祭主故也。爲君之父母，妻長子，祖父母，傳曰：何以期也？從服也。父母長子，君服

斬妻則小君也。父卒然後爲祖後者服斬。妾爲女君。
傳曰：何以期也？妾之事女君，與婦之事舅姑等。婦爲
舅姑。傳曰：何以期也？從服也。夫之昆弟之子。傳曰：何
以期也？報之也。公妾大夫之妾，爲其子。傳曰：何以期
也？妾不得體君，爲其子得遂也。女子子爲祖父母。傳
曰：何以期也？不敢降其祖也。大夫之子爲世父母。叔
父、母子、昆弟、昆弟之子、姑姊妹、女子子無主者爲大
夫。命婦者，唯子不報。傳曰：大夫者，其男子之爲大夫
者也。命婦者，其婦人之爲大夫妻者也。無主者，命婦
之無祭主者也。何以言唯子不報也？女子子適人者，
爲其父母期。故言不報也。言其餘皆報也。何以期也？
父之所不降，子亦不敢降也。大夫曷爲不降命婦也？
夫尊於朝，妻貴於室矣。大夫爲祖父母，適孫爲士者。
傳曰：何以期也？大夫不敢降其祖與適也。公妾以及

士妾爲其父母傳曰何以期也妾不得體君得爲其
父母遂也疏衰裳齊牡麻經無受者寄公爲所寓傳
曰寄公者何也失地之君也何以爲所寓服齊衰三
月也言與民同也丈夫婦人爲宗子宗子之母妻傳
曰何以服齊衰三月也尊祖也尊祖故敬宗敬宗者
尊祖之義也宗子之母在則不爲宗子之妻服也爲
舊君君之母妻傳曰爲舊君者孰謂也仕焉而已者
也何以服齊衰三月也言與民同也君之母妻則小
君也庶人爲國君大夫在外其妻長子爲舊國君傳
曰何以服齊衰三月也妻言與民同也長子言未去
也繼父不同居者曾祖父母傳曰何以齊衰三月也
小功者兄弟之服也不敢以兄弟之服服至尊也大
夫爲宗子傳曰何以服齊衰三月也大
夫不敢降其
宗也舊君傳曰大夫爲舊君何以服齊衰三月也大

夫去君埽其宗廟故服齊衰三月也言與民同也何
大夫之謂乎言其以道去君而猶未絕也曾祖父母
爲士者如衆人傳曰何以齊衰三月也大夫不敢降
其祖也女子子嫁者未嫁者爲曾祖父母傳曰嫁者
其嫁於大夫者也未嫁者其成人而未嫁者也何以
服齊衰三月不敢降其祖也大功布衰裳牡麻經無
受者子女子子之長殤中殤傳曰何以大功也未成
人也何以無受也喪成人者其文縵喪未成人者其
文不縵故殤之經不繆垂蓋未成人也年十九至十
六爲長殤十五至十二爲中殤十一至八歲爲下殤
不滿八歲以下皆爲無服之殤無服之殤以日易月
以日易月之殤殤而無服故子生三月則父名之死
則哭之未名則不哭也叔父之長殤中殤姑姊妹之
長殤中殤昆弟之長殤中殤夫之昆弟之子女子子

之長殤中殤適孫之長殤中殤大夫之庶子爲適昆
弟之長殤中殤公爲適子之長殤中殤大夫爲適子
之長殤中殤其長殤皆九月纓經其中殤七月不纓
經大功布衰裳牡麻經纓布帶三月受以小功衰卽
葛九月者傳曰大功布九升小功布十一升姑姊妹
女子子適人者傳曰何以大功也出也從父昆弟爲
人後者爲其昆弟傳曰何以大功也爲人後者降其
昆弟也庶孫適婦傳曰何以大功也不降其適也女
子子適人者爲衆昆弟姪丈夫婦人報傳曰姪者何
也謂吾姑者吾謂之姪夫之祖父母世父母叔父母
傳曰何以大功也從服也夫之昆弟何以無服也其
夫屬乎父道者妻皆母道也其夫屬乎子道者妻皆
婦道也謂弟之妻婦者是媵亦可謂之母乎故名者
人治之大者也可不慎乎大夫爲世父母叔父母子

昆弟昆弟之子爲士者傳曰何以大功也尊不同也
尊同則得服其親服公之庶昆弟大夫之庶子爲母
妻昆弟傳曰何以大功也先君餘尊之所厭不得過
大功也大夫之庶子則從乎大夫而降也父之所不
降子亦不敢降也皆爲其從父昆弟之爲大夫者爲
夫之昆弟之婦人子適人者大夫之妾爲君之庶子
女子子嫁者未嫁者爲世父母叔父母姑姊妹傳曰
嫁者其嫁於大夫者也未嫁者成人而未嫁者也何
以大功也妾爲君之黨服得與女君同下言爲世父
母叔父母姑姊妹者謂妾自服其私親也大夫大夫
之妻大夫之子公之昆弟爲姑姊妹女子子嫁於大
夫者君爲姑姊妹女子子嫁於國君者傳曰何以大
功也尊同也尊同則得服其親服諸侯之子稱公子
公子不得稱先君公子之子稱公孫公孫不得稱祖諸

侯此自卑別於尊者也。若公子之子孫有封爲國君者，則世世祖是人，也不祖公子。此自尊別於卑者也。是故始封之君，不臣諸父；昆弟封君之子，不臣諸父。而臣昆弟。封君之孫，盡臣諸父。昆弟故君之所爲服，子亦不敢不服也。君之所不服，子亦不敢服也。總衰裳，牡麻經，旣葬除之者，傳曰：總衰者，何以小功之總也。諸侯之大夫爲天子，傳曰：何以總衰也。諸侯之大夫以時接見乎天子，小功布衰裳，澡麻帶經，五月者，叔父之下殤，適孫之下殤，昆弟之下殤，大夫庶子爲適昆弟之下殤，爲姑姊妹女子子之下殤，爲人後者，爲其昆弟從父昆弟之長殤。傳曰：問者曰：中殤何以不見也。大功之殤中從上，小功之殤中從下，爲夫之叔父之長殤，昆弟之子女子子，夫之昆弟之子女子，子之下殤，爲姪庶孫，丈夫婦人之長殤，大夫公之昆

第大夫之子爲其昆弟庶子姑姊妹女子子之長殤
大夫之妾爲庶子之長殤小功布衰裳牡麻經卽葛
五月者從祖祖父母從祖父母報從祖昆弟從父姊
妹孫適人者爲人後者爲其姊妹適人者爲外祖父
母傳曰何以小功也以尊加也從母丈夫婦人報傳
曰何以小功也以名加也外親之服皆總也夫之姑
姊妹娣姒婦報傳曰娣姒婦者弟長也何以小功也
以爲相與居室中則生小功之親焉大夫大夫之子
公之昆弟爲從父昆弟庶孫姑姊妹女子子適士者
大夫之妾爲庶子適人者庶婦君母之父母從母傳
曰何以小功也君母在則不敢不從服君母不在則
不服君子子爲庶母慈己者傳曰君子子者貴人之
子也爲庶母何以小功也以慈己加也總麻三月者
傳曰總者十五升抽其半有事其縷無事其布曰總

族曾祖父母族祖父母族父母族昆弟庶孫之婦庶
孫之中殤從祖姑姊妹適人者報從祖父從祖昆弟
之長殤外孫從父昆弟姪之下殤夫之叔父之中殤
下殤從母之長殤報庶子爲父後者爲其母傳曰何
以總也傳曰與尊者爲一體不敢服其私親也然則
何以服總也有死於宮中者則爲之三月不舉祭因
是以服總也士爲庶母傳曰何以總也以名服也大
夫以上爲庶母無服貴臣貴妾傳曰何以總也以其
貴也乳母傳曰何以總也以名服也從祖昆弟之子
曾孫父之姑從母昆弟傳曰何以總也以名服也甥
傳曰甥者何也謂吾舅者吾謂之甥何以總也報之
也婿傳曰何以總報之也妻之父母傳曰何以總從
服也姑之子傳曰何以總報之也舅傳曰何以總從
服也舅之子傳曰何以總從服也夫之姑姊妹之長


殤夫之諸祖父母報君母之昆弟傳曰何以緦從服也。從父昆弟之子之長殤昆弟之孫之長殤爲夫之從父昆弟之妻傳曰何以緦也。以爲相與同室則生緦之親焉。長殤中殤降一等。下殤降二等。齊衰之殤中從上大功之殤中從下。按鄭氏注云布八十縷爲升。升字當爲登。登成也。今

之禮皆以登爲升。俗誤已行久矣。

記

公子爲其母練冠麻衣縗緣爲其妻練冠葛經帶麻衣縗緣皆旣葬除之。傳曰何以不在五服之中也。君之所不服子亦不敢服也。君之所爲服子亦不敢不服也。大夫公之昆弟大夫之子於兄弟降一等爲人後者於兄弟降一等報於所爲後之兄弟之子若子兄弟皆在他邦加一等不及知父母與兄弟居加一等傳曰何如則可謂之兄弟傳曰小功以下爲兄

弟朋友皆在他邦袒免歸則已朋友麻君之所爲兄弟服室老降一等夫之所爲兄弟服妻降一等庶子爲後者爲其外祖父母從母舅無服不爲後如邦人宗子孤爲殤大功衰小功衰皆三月親則月算如邦人改葬總童子唯當室總傳曰不當室則無總服也凡妾爲私兄弟如邦人大夫弔於命婦錫衰命婦弔於大夫亦錫衰傳曰錫者何也麻之有錫者也錫者十五升抽其半無事其縷有事其布曰錫女子子適人者爲其父母婦爲舅姑惡笄有首以髻卒哭子折笄首以笄布總傳曰笄有首者惡笄之有首也惡笄者櫛笄也折笄首者折吉笄之首也吉笄者象笄也何以言子折笄首而不言婦終之也妾爲女君君之長子惡笄有首布總凡衰外削幅裳內削幅幅三衻若齊裳內衰外負廣出於適寸適博四寸出於衰衰



于寢門外見賓不哭先入門右北面弔者入升自西階東面主人進中庭弔者致命主人哭拜稽顙成踊賓出主人拜送于外門外君使人禭徹帷主人如初禭者左執領右執要入升致命主人拜如初禭者入衣尸出主人拜送如初唯君命出升降自西階遂拜賓有大夫則特拜之卽位于西階下東面不踊大夫雖不辭入也親者禭不將命以卽陳庶兄弟禭使人以將命于室主人拜于位委衣于尸東牀上朋友禭親以進主人拜委衣如初退哭不踊徹衣者執衣如禭以適房爲銘各以其物亡則以緇長半幅耆末長終幅廣三寸書銘于末曰某氏某之柩竹杠長三尺置于宇西階上甸人掘坎于階閒少西爲塋于西牆下東鄉新盆槃瓶廢敦重鬲皆濯造于西階下陳襲事于房中西領南上不績明衣裳用布髻笄用桑長

四寸。纓中布巾。環幅不鑿。掩練帛。廣終幅。長五尺。析其末。瑱用白纊。幘目用緇。方尺二寸。輕裏著組繫。握手用玄纁。裏長尺二寸。廣五寸。牢中旁寸著組繫。決用正王棘。若擇棘。組繫纊極二。冒緇質。長與手齊。輕殺掩足。爵弁服。純衣皮弁服。祿衣。緇帶。靺鞨。竹笏。夏葛屨。冬白屨。皆纊。緇絢。純組。綦繫于踵。庶綦。繼陳。不用貝。三實于笄。稻米一豆。實於篚。沐巾一。浴巾二。皆用綌。於笄。櫛於篔。浴衣於篚。皆饌于西序下。南上。管人汲。不說。緇屈之。祝斝米于堂。南面。用盆。管人盥階。不升堂。受潘。煮于甕。用重鬲。祝盛米于敦。奠于貝北。士有冰。用夷槃可也。外御受沐入。主人皆出。戶外北面。乃沐。櫛。搯用巾。浴用巾。搯用浴衣。溲濯棄于坎。蚤揃如他日。鬻用組。乃笄。設明衣裳。主人入。卽位。商祝襲祭服。祿衣。次主人出。南面。左袒。扱諸面之右。盥于

盆上洗具執以入宰洗柶建于米執以從商祝執巾
從入當牖北面徹枕設巾徹楔受具奠于尸西主人
由足西牀上坐東面祝又受米奠于貝北宰從立于
牀西在右主人左扱米實于右三實一貝左中亦如
之又實米唯盈主人襲反位商祝掩瑱設幙目乃屢
綦結于跗連紉乃襲三稱明衣不在算設鞶帶搯笏
設決麗于擊自飯持之設握乃連擊設冒纛之幘用
衾巾柶馨蚤埋于坎重木刊鑿之甸人置重于中庭
參分庭一在南夏祝鬻餘飯用二鬲于西牆下幕用
疏布久之繫用鞶縣于重幕用葦席北面左衽帶用
鞶賀之結于後祝取銘置于重厥明陳衣于房南領
西上績絞橫三縮一廣終幅析其末緇衾頽裏無統
祭服次散衣次凡十有九稱陳衣繼之不必盡用饌
于東堂下脯醢醴酒冪奠用功布實于簞在饌東設

盆盥于饌。東有巾。苴經大鬲。下本在左。要經小焉。散帶垂長三尺。牡麻經。右本在上。亦散帶垂。皆饌于東方。婦人之帶。牡麻結本。在房。牀第。夷衾。饌于西北。南西方盥如東方。陳一鼎于寢門外。當東塾。少南。西面。其實特豚。四髻。去蹄。兩胎。脊肺。設局。鼎。鼎西末。素俎。在鼎西。西順。覆七。東柄。士盥。二人以並。東面。立于西階下。布席于戶內。下莞。上簟。商祝布絞衾。散衣。祭服。祭服不倒。美者在中。士舉遷尸。反位。設牀第于兩楹之間。衽如初。有枕。卒斂。徹帷。主人西面馮尸。踊無算。主婦東面馮尸。亦如之。主人髻髮袒。衆主人免于房。婦人盥于室。士舉男女奉尸。俛于堂。幪用夷衾。男女如室位。踊無算。主人出于足。降自西階。衆主人東卽位。婦人阼階上。西面。主人拜賓。大夫特拜。士旅之。卽位。踊。襲經于序。東復位。乃奠。舉者盥。右執七。卻之。左執

俎橫攝之入阼階前西面錯錯俎北面右人左執七抽扃予在手兼執之取鼎委于鼎北加扃不坐乃杙載載兩髀于兩端兩肩亞兩胎亞脊肺在于中皆覆進柢執而俟夏祝及執事盥執醴先酒脯醢俎從升自阼階丈夫踊甸人徹鼎巾待于阼階下奠于尸東執醴酒北面西上豆錯俎錯于豆東立于俎北西上醴酒錯于豆南祝受巾巾之由足降自西階婦人踊奠者由重南東丈夫踊賓出主人拜送于門外乃代哭不以官有襚者則將命擯者出請入告主人待于位擯者出告須以賓入賓入中庭北面致命主人拜稽顙賓升自西階出于足西面委衣如於室禮降出主人出拜送朋友親襚如初儀西階東北面哭踊三降主人不踊襚者以褶則必有裳執衣如初徹衣者亦如之升降自西階以東宵爲燎于中庭厥明滅燎

陳衣于房南領西上。績絞紛衾二君。襚祭服散衣庶
襚。凡三十稱。紛不在算。不必盡用。東方之饌。兩瓦甒。
其實醴酒。角觶。木枲。豨豆兩。其實葵菹芋。羸醢兩。籩
無勝布巾。其實粟。不擇脯四。甗奠席在饌北。斂席在
其東。掘碑見衽棺入。主人不哭。升棺用軸。蓋在下。熬
黍稷各二筐。有魚腊。饌于西北。南陳三鼎于門外。北
上豚合升。魚鱠鮓九腊。左胖。髀不升。其他皆如初。燭
俟于饌東。祝徹。盥于門外入。升自阼階。丈夫踊。祝徹
巾。授執事者以待。徹饌。先取醴酒。北面。其餘取先設
者。出于足。降自西階。婦人踊。設于序西南。當西榮。如
設于堂。醴酒位如初。執事豆北。南面。東上。乃適饌。帷
堂。婦人尸西。東面。主人及親者。升自西階。出于足。西
面。袒。士盥位如初。布席如初。商祝布絞紛衾衣。美者
在外。君襚不倒。有大夫。則告士舉遷尸。復位。主人踊。

無算卒斂徹帷。主人馮如初。主婦亦如之。主人奉尸斂于棺。踊如初。乃蓋。主人降拜。大夫之後至者北面視殓。衆主人復位。婦人東復位。設熬旁一筐。乃塗踊。無算。卒塗。祝取銘置于殓。主人復位。踊。襲。乃奠燭。升自阼階。祝執巾。席從。設于輿。東面。祝反降。及執事執饌。士盥。舉鼎入。西面北上。如初。載魚左首。進鬻三列。腊進。柢。祝執醴如初。酒豆籩俎從。升自阼階。丈夫踊。甸人徹鼎。奠由楹內入于室。醴酒北面。設豆。右菹。菹南。栗。栗東脯。豚當豆。魚次。腊特于俎北。醴酒在籩南。巾如初。旣錯者出。立于戶西。西上。祝後闔戶。先由楹西。降自西階。婦人踊。奠者由重南東。丈夫踊。賓出。婦人踊。主人拜送于門外。入。及兄弟北面哭殯。兄弟出。主人拜送于門外。衆主人出門哭止。皆西面于東方。闔門。主人揖就次。君若有賜焉。則視斂。旣布衣。君至。

主人出迎于外門外見馬首不哭還入門右北面及衆主人袒巫止于廟門外祝代之小臣二人執戈先二人後君釋采入門主人辟君升自阼階西鄉祝負墉南面主人中庭君哭主人哭拜稽顙成踊出君命反行事主人復位君升主人主人西楹東北面升公卿大夫繼主人東上乃斂卒公卿大夫逆降復位主人降出君反主人主人中庭君坐撫當心主人拜稽顙成踊出君反之復初位衆主人辟于東壁南面君降西鄉命主人馮尸主人升自西階由足西面馮尸不當君所踊主婦東面馮亦如之奉尸斂于棺乃蓋主人降出君反之入門左視塗君升卽位衆主人復位卒塗主人出君命之反奠入門右乃奠升自西階君要節而踊主人從踊卒奠主人出哭者止君出門廟中哭主人不哭辟君式之貳車畢乘主人哭拜送

襲入卽位。衆主人襲拜大夫之後至者成踊。賓出主人拜送。三日成服。杖拜君命及衆賓不拜。棺中之賜朝夕哭不辟。子卯婦人卽位于堂南上。哭。丈夫卽位于門外西面北上。外兄弟在其南南上。賓繼之北上。門東北面西上。門西北面東上。西方東面北上。主人卽位。辟門。婦人拊心不哭。主人拜賓旁。二右還入門。哭。婦人踊。主人堂下置東序西面。兄弟皆卽位。如外位。卿大夫在主人之南。諸公門東少進。他國之異爵者門西少進。敵則先拜他國之賓。凡異爵者拜諸其位。徹者盥于門外。燭先入。升自阼階。丈夫踊。祝取醴北面。取酒立于其東。取豆籩俎南面西上。祝先出酒。豆籩俎序從。降自西階。婦人踊。設于序西南直西。滎醴酒北面西上。豆西面錯。立于豆北南面。籩俎旣錯。立于執豆之西。東上。酒錯復位。醴錯于西。遂先由主

人之北適饌乃奠醴酒脯醢升丈夫踊入如初設不
巾錯者出立于戶西西上滅燭出祝闔戶先降自西
階婦人踊奠者由重南東丈夫踊賓出婦人踊主人
拜送衆主人出婦人踊出門哭止皆復位闔門主人
卒拜送賓揖衆主人乃就次朔月奠用特豚魚腊陳
三鼎如初東方之饌亦如之無籩有黍稷用瓦敦有
蓋當籩位主人拜賓如朝夕哭卒徹舉鼎入升皆如
初奠之儀卒杙釋七于鼎俎行杙者逆出向人徹鼎
其序醴酒菹醢黍稷俎其設于室豆錯俎錯腊特黍
稷當籩位敦啓會卻諸其南醴酒位如初祝與執豆
者巾乃出主人要節而踊皆如朝夕哭之儀月半不
殷奠有薦新如朔奠徹朔奠先取醴酒其餘取先設
者敦啓會面足序出如入其設于外如于室筮宅冢
人營之掘四隅外其壤掘中南其壤既朝哭主人皆

往北南北面免經命筮者在主人之右筮者東面抽
上韞兼執之南面受命命曰哀子某爲其父某甫筮
宅度茲幽宅北基無有後艱筮人許諾不述命右還
北面指中封而筮卦者在左卒筮執卦以示命筮者
命筮者受視反之東面旅占卒進告于命筮者與主
人占之曰從主人經哭不踊若不從筮擇如初儀歸
殯前北面哭不踊既井椁主人西面拜工左還椁反
位哭不踊婦人哭于堂獻材于殯門外西面北上績
主人徧視之如哭椁獻素獻成亦如之卜日既朝哭
皆復外位卜人先奠龜于西塾上南首有席楚焯置
于爇在龜東族長泣卜及宗人吉服立于門西東面
南上占者三人在其南北上下人及執爇席者在塾
西闔東扉主婦立于其內席于闔西闕外宗人告事
具主人北面免經左擁之泣卜卽位于門東西面卜

人抱龜燋先奠龜西首燋在北宗人受卜人龜示高
泣卜受視反之宗人還少退受命命曰哀子某來日
某卜葬其父某甫考降無有近悔許諾不迷命還卽
席西面坐命龜興授卜人龜負東扉卜人坐作龜興
宗人受龜示泣卜泣卜受視反之宗人退東面乃旅
占卒不釋龜告于泣卜與主人占曰某日從授卜人
龜告于主婦主婦哭告于異爵者使人告于衆賓卜
人徹龜宗人告事畢主人經入哭如筮宅賓出拜送
若不從卜擇如初儀

儀禮既夕

鄭目錄云士喪禮之下篇也既已也謂先
葬二日已夕哭時與葬閒一日凡朝廟日

請啓期
必容焉

既夕哭請啓期告于賓夙興設盥于祖廟門外陳鼎
皆如殯東方之饌亦如之俛牀饌于階閒二燭俟于
殯門外丈夫整散帶垂卽位如初婦人不哭主人拜

賓入卽位。袒商祝免袒。執功布入。升自西階。盡階不升堂。聲三啓三。命哭。燭入。祝降。與夏祝交于階下。取銘置于重。踊無算。商祝拂柩。用功布。幘用夷衾。遷于祖。用軸重。先奠。從燭從柩。從燭從主人。從升自西階。奠俟于下。東面北上。主人從升。婦人升東面。衆主人東卽位。正柩于兩楹閒。用夷牀。主人柩東西面。置重如初。席升設于柩西。奠設如初。巾之。升降自西階。主人踊無算。降拜賓。卽位。踊襲主婦及親者。由足西面。薦車直東榮。北轡質明滅燭。徹者升自阼階。降自西階。乃奠如初。升降自西階。主人要節而踊。薦馬纓三就。入門北面交轡。圉人夾牽之。御者執策立于馬後。哭成踊。右還出。賓出。主人送于門外。有司請祖。期曰。日側。主人入袒。乃載踊。無算。卒束。襲降奠。當前束。商祝飾柩一池。紐前。經後。緇齊三采。無具。設披屬引。陳

明器於乘車之西折橫覆之抗木橫三縮二加抗席
三加茵用疏布緇翦有幅亦縮二橫三器西南上績
茵苞二簞三黍稷麥甕三醢醢屑罍用疏布甌二醴
酒罍用功布皆木桁久之用器弓矢耒耜兩敦兩杆
槃匱匱實于槃中南流無祭器有燕樂器可也役器
甲冑干笮燕器杖笠翬徽奠巾席俟于西方主人要
節而踊袒商祝御柩乃袒踊襲少南當前東婦人降
卽位于階闕袒還車不還器祝取銘置于茵二人還
重左還布席乃奠如初主人要節而踊薦馬如初賓
出主人送有司請葬期入復位公贈玄練束馬兩攢
者出請入告主人釋杖迎于廟門外不哭先入門右
北面及衆主人袒馬入設賓奉幣由馬西當前輅北
面致命主人哭拜稽顙成踊賓奠幣于棧左服出宰
由主人之北舉幣于東士受馬以出主人送于外門

外拜。襲入復位。杖賓贈者。將命擯者出請入告。出告須馬入。設賓奉幣。擯者先入。賓從致命。如初。主人拜于位。不踊。賓奠幣。如初。舉幣受馬。如初。擯者出請。若奠入告。出以賓入。將命如初。士受羊。如受馬。又請。若賻入告。主人出門左。西面。賓東面。將命主人拜。賓坐委之。宰由主人之北。東面舉之。反位。若無器。則梧受之。又請。賓告事畢。拜送入。贈者將命。擯者出請。納賓如初。賓奠幣。如初。若就器。則坐奠于陳。凡將禮必請。而后拜送。兄弟贈奠可也。所知則贈而不奠。知死者贈。知生者賻。書贈於方。若九。若七。若五。書遣於策。乃代哭。如初。宵爲燎于門內之右。厥明。陳鼎五于門外。如初。其實。羊左胖。醢不升。腸五。胃五。離肺豕。亦如之。豚解。無腸胃。魚腊。鮮獸。皆如初。東方之饌。四豆。脾析。蟬醢。葵菹。羸醢。四籩。棗。糗。栗。脯。醴酒。陳器。滅燎。執燭。

俠輅北面賓入者拜之徹者入丈夫踊設于西北婦人踊徹者東鼎入乃奠豆南上績籩贏醢南北上績俎二以成南上不績特鮮獸醴酒在籩西北上奠者出主人要節而踊甸人抗重出自道道左倚之薦馬馬出自道車各從其馬駕于門外西面而俟南上徹者入踊如初徹巾苞牲取下體不以魚腊行器茵苞器序從車從徹者出踊如初主人之史請讀贈執算從柩東當前東西面不命毋哭哭者相止也唯主人主婦哭燭在右南面讀書釋算則坐卒命哭滅燭書與算執之以逆出公史自西方東面命毋哭主人主婦皆不哭讀遣卒命哭滅燭出商祝執功布以御柩執披主人袒乃行踊無算出宮踊襲至于邦門公使宰夫贈玄練束主人去杖不哭由左聽命賓由右致命主人哭拜稽顙賓升實幣于蓋降主人拜送復位


杖乃行。至于壙。陳器于道。東西北上。茵先入。屬引主人袒。衆主人西面。北上。婦人東面。皆不哭。乃窆。主人哭踊無算。襲贈用制幣。玄練束拜稽顙。踊如初。卒袒拜賓。主婦亦拜賓。卽位。拾踊三。襲賓出。則拜送。藏器於旁。加見藏苞篋於旁。加折卻之。加抗席覆之。加抗木實土三。主人拜鄉人。卽位。踊襲如初。乃反哭入。升自西階。東面。衆主人堂下東面。北上。婦人入。丈夫踊。升自阼階。主婦入于室。踊出。卽位。及丈夫拾踊三。賓弔者升自西階。曰。如之何。主人拜稽顙。賓降出。主人送于門外。拜稽顙。遂適殯宮。皆如啓位。拾踊三。兄弟出。主人拜送。衆主人出門。哭止。闔門。主人揖衆主人。乃就次。猶朝夕哭。不奠。三虞卒。哭明日。以其班祔。

記

士處適寢。寢東首于北墉下。有疾疾者齊。養者皆齊。

徹琴瑟疾病外內皆埽徹褻衣加新衣御者四人皆坐持體男女改服屬纊以俟絕氣男子不絕於婦人之手婦人不絕於男子之手乃行禱于五祀乃卒主人啼兄弟哭設牀第當牖衽下莞上簟設枕遷尸復者朝服左執領右執要招而左楔貌如輓上兩末綴足用燕几校在南御者坐持之卽牀而奠當牖用吉器若醴若酒無巾枳赴曰君之臣某死赴母妻長子則曰君之臣某之某死室中唯主人主婦坐兄弟有命夫命婦在焉亦坐尸在室有君命衆主人不出襚者委衣于牀不坐其襚于室戶西北面致命夏祝淅米差盛之御者四人抗衾而浴檀第其母之喪則內御者浴鬻無筭設明衣婦人則設中帶卒洗貝反于筭實貝柱右顛左顛夏祝徹餘飯瑱塞耳掘坎南順廣尺輪二尺深三尺南其壤塗用塊明衣裳用幕布

袂屬幅長下膝有前後裳不辟長及穀線縹緗緇純
設握裏親膚繫鉤中指結于擊甸人築坵坎隸人涅
廁旣襲宵爲燎于中庭厥明滅燎陳衣凡絞紵用布
倫如朝服設楸于東堂下南順齊于坵饌于其上兩
甌醴酒酒在南篚在東南順實角觶四木枳二素勺
二豆在甌北二以並籩亦如之凡籩豆實具設皆巾
之解俟時而酌枳覆加之面枋及錯建之小斂辟奠
不出室無踊節旣馮尸主人袒髻髮絞帶衆主人布
帶大斂于阼大夫升自西階階東北面東上旣馮尸
大夫逆降復位巾奠執燭者滅燭出降自阼階由主
人之北東旣殯主人說髻三日絞垂冠六升外緹纓
條屬厭衰三升履外納杖下本竹桐一也居倚廬寢
苦枕塊不說經帶哭晝夜無時非喪事不言歆粥朝
一溢米夕一溢米不食菜果主人乘惡車白狗臂蒲



祝及執事舉奠巾席從而降。柩從序從如初。適祖薦乘車。鹿淺幣于竿。革鞮載檀。載皮弁服。纓轡貝勒。縣于衡道。車載朝服。豪華車載蓑笠。將載祝及執事。舉奠戶西南面。東上。卒束前而降。奠席于柩西。巾奠乃牆。抗木刊茵。著用荼。實綏澤焉。葦苞長三尺。一編菅。筭三。其實皆淪。祖還車不易位。執披者旁四人。凡贈幣無常。凡糗不煎。唯君命止柩于垣。其餘則否。車至道左。北面立。東上。柩至于墻。斂服載之。卒空而歸。不驅。君視斂。若不待奠。加蓋而出。不視斂。則加蓋而至。卒事既正。柩賓出。遂匠納車于階閒。祝饌祖奠于主人之南。當前輅。北上。巾之。弓矢之新。沽功有弭飾焉。亦張可也。有秘設。依捷焉。有鞮。撥矢一乘。骨鏃短衛。志矢一乘。軒輶中亦短衛。

儀禮士虞禮

鄭目錄云。虞安也。士既葬。其父母迎。精而反。日中而祭之。於殯宮以安之。

士虞禮特豕饋食側亨于廟門外之右東面魚腊爨亞之北上饌爨在東壁西面設洗於西階西南水在洗西篚在東尊于室中北墉下當戶兩甒醴酒酒在東無禁冪用絺布加勺南枋素几葦席在西序下苴刈茅長五寸束之實于篚饌于西坵上饌兩豆菹醢于西楹之東醢在西一鋤亞之從獻豆兩亞之四籩亞之北上饌黍稷二敦于階閒西上藉用葦席匱水錯于槃中南流在西階之南簞巾在其東陳三鼎于門外之右北面上設扃冪七俎在西塾之西羞燔俎在內西塾上南順主人及兄弟如葬服賓執事者如弔服皆卽位于門外如朝夕臨位婦人及內兄弟服卽位于堂亦如之祝免澡葛經帶布席于室中東面右几降出及宗人卽位于門西東面南上宗人告有司具遂請拜賓如臨入門哭婦人哭主人卽位于

堂衆主人及兄弟賓卽位于西方如反哭位祝入門左北面宗人西階前北面祝盥升取苴降洗之升入設于几東席上東縮降洗解升止哭主人倚杖入祝從在左西面贊薦菹醢醢在北佐食及執事盥出舉長在左鼎入設于西階前東面北上七俎從設左人抽扃鼎七佐食及右人載卒杙者逆退復位俎入設于豆東魚亞之腊特贊設二敦于俎南黍其東稷設一鉶于豆南佐食出立于戶西贊者徹鼎祝酌醴命佐食啓會佐食許諾啓會卻于敦南復位祝奠解于鉶南復位主人再拜稽首祝饗命佐食祭佐食許諾鉶袒取黍稷祭于苴三取膚祭祭如初祝取奠解祭亦如之不盪益反奠之主人再拜稽首祝祝卒主人拜如初哭出復位祝迎尸一人衰經奉篋哭從尸尸入門丈夫踊婦人踊滄尸盥宗人授巾尸及階祝延

尸。尸升。宗人詔踊如初。尸入戶。踊如初。哭止。婦人入于房。主人及祝拜。受尸。尸拜。遂坐。從者錯篚于尸左。席上立。于其北。尸取奠。左執之。取菹。搗于醢。祭于豆。閒。祝命佐食墮祭。佐食取黍稷肺祭。授尸。尸祭之。祭奠。祝祝主人拜如初。尸嘗醴。奠之。佐食舉肺脊。授尸。尸受。振祭。齊之。左手執之。祝命佐食邇敦。佐食舉黍。錯于席上。尸祭鉶。嘗鉶。黍羹。滫自門入。設于鉶南。載四豆。設于左。尸飯。播餘于篚。三飯。佐食舉幹。尸受。振祭。齊之。實于篚。又三飯。舉脰。祭如初。佐食舉魚腊。實于篚。又三飯。舉肩。祭如初。舉魚腊俎。俎釋。三。个。尸卒食。佐食受肺脊。實于篚。反黍如初。設。主人洗廢爵。酌酒。酌尸。尸拜。受爵。主人北面答拜。尸祭酒。嘗之。賓長以肝從。實于俎。縮。右鹽。尸左執爵。右取肝。搗鹽。振祭。齊之。加于俎。賓降。反俎于西塾。復位。尸卒爵。祝受。不

相爵主人拜尸答拜祝酌授尸尸以醋主人主人拜受爵尸答拜主人坐祭卒爵拜尸答拜筵祝南面主人獻祝祝拜坐受爵主人答拜薦菹醢設俎祝左執爵祭薦奠爵興取肺坐祭膾之興加于俎祭酒嘗之肝從祝取肝搗鹽振祭膾之加于俎卒爵拜主人答拜祝坐授主人主人酌獻佐食佐食北面拜坐受爵主人答拜佐食祭酒卒爵拜主人答拜受爵出實于篚升堂復位主婦洗足爵于房中酌亞獻尸如主人儀自反兩籩棗栗受于會南棗在西尸祭籩祭酒如初賓以燔從如初尸祭燔卒爵如初酌獻祝籩燔從獻佐食皆如初以虛爵入于房賓長洗纒爵三獻燔從如初儀婦人復位祝出戶西面告利成主人哭皆哭祝入戶謾從者奉篚哭如初祝前尸出戶踊如初降堂踊如初出門亦如之祝反入徹設于西北隅如

其設也。几在南。匪用席。祝薦席徹入于房。祝自執其俎出。贊闔牖戶。主人降。賓出。主人出門哭止。皆復位。宗人告事畢。賓出。主人送拜稽顙。

記

虞沐浴。不櫛。陳牲于廟門外北首西上。寢右。日中而行事。殺于廟門西。主人不視。豚解。羹飪升左肩。臂臠肫。脰脊脅。離肺。膚祭三。取諸左。臛上。肺祭一。實于上鼎。升魚鱠。鮒九。實于中鼎。升腊。左胖。髀不升。實于下鼎。皆設局。鼎陳之。載猶進。柢魚進。鬻祝俎。髀脰脊脅。離肺。陳于階閒。敦東。淳尸盥。執槃西面。執匱東面。執巾在其北。東面。宗人授巾。南面。主人在室。則宗人升戶外北面。佐食無事。則出戶。負依南面。劔芼。用苦若薇。有滑。夏用葵。冬用苜。有杞。豆實。葵菹。菹以西。羸醢。饗棗。烝栗。擇尸入。祝從尸。尸坐。不說屨。尸謏。祝前。鄉

尸還出戶。又鄉尸還過主人。又鄉尸還降階。又鄉尸降階。還及門。如出戶。尸出。祝反入門左北面復位。然後宗人詔降尸。服卒者之上服。男男尸。女女尸。必使異姓。不使賤者。無尸。則禮及薦饌皆如初。既饗。祭于苴。祝祝卒。不綏祭。無泰羹。滫。載從獻。主人哭。出復位。祝闔牖戶。降。復位于門西。男女拾踊三。如食閒。祝升。止哭聲。三啓戶。主人入。祝從啓牖。鄉如初。主人哭。出復位。卒徹祝佐食。降。復位。宗人詔降如初。始虞。用柔日。曰哀子某。哀顯相。夙興夜處不寧。敢用絜牲剛鬣。香合嘉薦。普淖明齊。澣酒哀薦。裕事適爾。皇祖某甫。饗再虞。皆如初。曰哀薦虞事。三虞卒哭。他用剛日。亦如初。曰哀薦成事。獻畢未徹。乃餞尊兩。罍于廟門外之右。少南。水尊在酒西。勺北枋。洗在尊東南。水在洗東。篚在西。饌籩豆脯四。甒有乾肉折俎。二尹縮祭半。

尹在西塾尸出執几從席從尸出門右南面席設于尊西北東面几在南賓出復位主人出卽位于門東少南婦人出卽位于主人之北皆西面哭不止尸卽席坐唯主人不哭洗廢爵酌獻尸尸拜受主人拜送哭復位薦脯醢設俎于薦東胸在南尸左執爵取脯搗醢祭之佐食授嚌尸受振祭嚌反之祭酒卒爵奠于南方主人及兄弟踊婦人亦如之主婦洗足爵亞獻如主人儀無從踊如初賓長洗纒爵三獻如亞獻踊如初佐食取俎實于筐尸謦從者奉筐哭從之祝前哭者皆從及大門內踊如初尸出門哭者止賓出主人送拜稽顙主婦亦拜賓丈夫說經帶于廟門外入徹主人不與婦人說首經不說帶無尸則不饒猶出几席設如初拾踊三哭止告事畢賓出死三日而殯三月而葬遂卒哭將日而祔則薦卒辭曰哀子某

來日某濟祔爾于爾皇祖某甫尚饗女子曰皇祖妣某氏婦曰孫婦于皇祖姑某氏其他辭一也饗辭曰哀子某主為而哀薦之饗明日以其班祔沐浴櫛搔翦用專膚為折俎取諸脰臙其他如饋食用嗣尸曰孝子某孝顯相夙興夜處小心畏忌不惰其身不寧用尹祭嘉薦普淖普薦漉酒適爾皇祖某甫以濟祔爾孫某甫尚饗朞而小祥曰薦此常事又朞而大祥曰薦此祥事中月而禫是月也吉祭猶未配

儀禮特牲饋食禮

鄭目錄云特牲饋食之禮謂諸侯之士祭祖禰非天子之士按祭祀

自孰始曰饋食者初祭即薦鉶熟之牲體及黍稷是用生人食道以事其親也

特牲饋食之禮不諏日及筮日主人冠端玄即位于門外西面子姓兄弟如主人之服立于主人之南西面北上有司羣執事如兄弟服東面北上席于門中闐西闐外筮人取筮于西塾執之東面受命于主人

宰自主人之左贊命。命曰：孝孫某筮來日某。諏此某事。適其皇祖某子。尚饗。筮者許諾。還卽席。西面坐。卦者在左。卒筮寫卦。筮者執以示主人。主人受視。反之。筮者還。東面。長占。卒。告于主人。占曰：吉。若不吉。則筮遠日。如初儀。宗人告事畢。前期三日之朝。筮尸。如求日之儀。命筮曰：孝孫某。諏此某事。適其皇祖某子。筮某之某爲尸。尚饗。乃宿尸。主人立于尸外門外。子姓兄弟立于主人之後。北面。東上。尸如主人服。出門。左。西面。主人辟。皆東面。北上。主人再拜。尸答拜。宗人擯。辭如初。卒曰：筮子爲某尸。占曰：吉。敢宿。祝許諾。致命。尸許諾。主人再拜稽首。尸入。主人退。宿賓。賓如主人服。出門。左。西面。再拜。主人東面。答再拜。宗人擯曰：某薦歲事。吾子將涖之。敢宿賓。曰：某敢不敬。從。主人再拜。賓答拜。主人退。賓拜送。厥明。夕。陳鼎于門外。北面。

北上有鼎楸在其南南順實獸于其上東首牲在其西北首東足設洗于阼階東南壺禁在東序豆籩劍在東房南上几席兩敦在西堂主人及子姓兄弟卽位于門東如初賓及衆賓卽位于門西東面北上宗人祝立于賓西北東面南上主人再拜賓答再拜三拜衆賓衆賓答再拜主人揖入兄弟從賓及衆賓從卽位于堂下如外位宗人升自西階視壺濯及豆籩反降東北面告濯具賓出主人出皆復外位宗人視牲告充雍正作豕宗人舉獸尾告備舉鼎甬告絜請期曰羹飪告事畢賓出主人拜送夙興主人服如初立于門外東方南面視側殺主婦視饔爨于西堂下亨于門外東方西面北上羹飪實鼎陳于門外如初尊于戶東玄酒在西實豆籩劍陳于房中如初執事之俎陳于階閭二列北上盛兩敦陳于西堂藉用萑

几席陳于西堂。如初尸盥。匱水實于槃中。篋巾在門內之右。祝筵几于室中。東面。主婦纚笄宵衣。立于房中。南面。主人及賓兄弟羣執事。卽位于門外。如初。宗人告。有司具。主人拜賓。如初。揖入。卽位。如初。佐食北面。立于中庭。主人及祝升。祝先入。主人從。西面于戶內。主婦盥于房中。薦兩豆。葵菹。蝸醢。醢在北。宗人遣佐食及執事盥出。主人降。及賓盥出。主人在右。及佐食舉牲鼎。賓長在右。及執事舉魚腊鼎。除鼎。宗人執畢。先入。當阼階南面。鼎西面。錯。右人抽扃。委于鼎北。贊者錯俎。加七。乃杙。佐食升。所俎。寤之。設于阼階西。卒載。加七于鼎。主人升入。復位。俎入。設于豆東。魚次。腊特于俎北。主婦設兩敦。黍稷于俎南。西上。及兩劔。芼。設于豆南。南陳。祝洗酌奠。奠于劔南。遂命佐食啓會。佐食啓會。卻于敦南。出立于戶西南面。主人再拜。

稽首祝在左。卒祝，主人再拜稽首。祝迎尸于門外，主人降立于阼階，東尸入門。左北面，盥宗人授巾。尸至于階，祝延尸。尸升入，祝先。主人從尸，卽席坐。主人拜。妥尸。尸答拜。執奠，祝饗。主人拜如初。祝命接祭。尸左執觶，右取菹，揄于醢。祭于豆閒。佐食取黍稷肺祭，授尸。尸祭之。祭酒啐酒，告旨。主人拜。尸奠觶，答拜。祭釂。嘗之，告旨。主人拜。尸答拜。祝命爾敦，佐食爾黍稷于席上。設大羹，滫于醢。北舉肺脊以授尸。尸受，振祭。臍之左，執之。乃食。食舉。主人羞胾俎于腊北。尸三飯，告飽。祝侑。主人拜。佐食舉幹。尸受，振祭。臍之左，食受。加于胾俎。舉獸幹魚一，亦如之。尸實舉于菹豆。佐食羞庶羞四豆，設于左。南上有醢。尸又三飯，告飽。祝侑之。如初。舉骼及獸魚如初。尸又三飯，告飽。祝侑之。如初。舉肩及獸魚如初。佐食盛胾俎。俎釋三个，舉肺脊加。

于肝俎反黍稷于其所主人洗角升酌醋尸尸拜受
主人拜送尸祭酒啐酒賓長以肝從尸左執角右取
肝揔于鹽振祭嚌之加于菹豆卒角祝受尸角曰送
爵皇尸卒爵主人拜尸答拜祝酌授尸尸以醋主人
主人拜受角尸拜送主人退佐食授接祭主人坐左
執角受祭祭之祭酒啐酒進聽嘏佐食搏黍授祝祝
授尸尸受以菹豆執以親嘏主人主人左執角再拜
稽首受復位詩懷之實于左袂挂于季指卒角拜尸
答拜主人出寫嗇于房祝以籩受筵祝南面主人酌
獻祝祝拜受角主人拜送設菹醢俎祝左執角祭豆
興取肺坐祭嚌之興加于俎坐祭酒啐酒以肝從祝
左執角右取肝揔于鹽振祭嚌之加于俎卒角拜主
人答拜受角酌獻佐食佐食北面拜受角主人拜送
佐食坐祭卒角拜主人答拜受角降反于篚升入復


位主婦洗爵于房酌亞獻尸尸拜受主婦北面拜送宗婦執兩籩戶外坐主婦受設于敦南祝贊籩祭尸受祭之祭酒啐酒兄弟長以燔從尸受振祭嘽之反之羞燔者受加于胙出口卒爵祝受爵命送如初酢如主人儀主婦適房南面佐食接祭主婦左執爵右撫祭祭酒啐酒入卒爵如主人儀獻祝籩燔從如初儀及佐食如初卒以爵入于房賓三獻如初燔從如初爵止席于戶內主婦洗爵酌致爵于主人主人拜受爵主婦拜送爵宗婦贊豆如初主婦受設兩豆兩籩俎入設主人左執爵祭薦宗人贊祭奠爵興取肺坐絕祭嘽之興加于俎坐挽手祭酒啐酒肝從左執爵取肝揆于鹽坐振祭嘽之宗人受加于俎燔亦如之興席末坐卒爵拜主婦答拜受爵酌醋左執爵拜主人答拜坐祭立飲卒爵拜主人答拜主婦出反于

房主人降洗酌致爵于主婦席于房中南面主婦拜受爵主人西面答拜宗婦薦豆俎從獻皆如主人主人更爵酌醋卒爵降實爵于篚入復位三獻作止爵尸卒爵酢酌獻祝及佐食洗爵酌致于主人主婦燔從皆如初更爵酢于主人卒復位主人降阼階西面拜賓如初洗賓辭洗卒洗揖讓升酌西階上獻賓賓北面拜受爵主人在右答拜薦脯醢設折俎賓左執爵祭豆奠爵興取肺坐絕祭嘖之興加于俎坐扱手祭酒卒爵拜主人答拜受爵酌酢奠爵拜賓答拜主人坐祭卒爵拜賓答拜揖執祭以降西面奠于其位位如初薦俎從設衆賓升拜受爵坐祭立飲薦俎設于其位辯主人備答拜焉降實爵于篚尊兩壺于阼階東加勺南枋西方亦如之主人洗解酌于西方之尊西階前北面酬賓賓在左主人奠觶拜賓答拜主

人坐祭卒解拜賓答拜主人洗解賓辭主人對卒洗
 酌西面賓北面拜主人奠解于薦南揖復位主人洗爵獻
 面拜主人答拜賓奠解于薦南揖復位主人洗爵獻
 長兄弟于阼階上如賓儀洗獻衆兄弟如衆賓儀洗
 獻內兄弟于房中如獻衆兄弟之儀主人西面答拜
 更爵酢卒爵降實爵于篚入復位長兄弟洗觚為加
 爵如初儀不及佐食洗致如初無從衆賓長為加爵
 如初爵止嗣舉奠盥入北面再拜稽首尸執奠進受
 復位祭酒啐酒尸舉肝舉奠左執解再拜稽首進受
 肝復位坐食肝卒解拜尸備答拜焉舉奠洗酌入尸
 拜受舉奠答拜尸祭酒啐酒奠之舉奠出復位兄弟
 弟子洗酌于東方之尊阼階前北面舉解于長兄弟
 如主人酬賓儀宗人告祭齊乃羞賓坐取解阼階前
 北面酬長兄弟長兄弟在右賓祭解拜長兄弟答拜

賓立卒解酌于其尊東面立長兄弟拜受解賓北面
答拜揖復位長兄弟西階前北面衆賓長自左受旅
如初長兄弟卒解酌于其尊西面立受旅者拜受長
兄弟北面答拜揖復位衆賓及衆兄弟交錯以辯皆
如初儀爲加爵者作止爵如長兄弟之儀長兄弟酬
賓如賓酬兄弟之儀以辯卒受者實解于篚賓弟子
及兄弟弟子洗各酌于其尊中庭北面西上舉解於
其長奠解拜長皆答拜舉解者祭卒解拜長皆答拜
舉解者洗各酌于其尊復初位長皆拜舉解者皆奠
解于薦右長皆執以興舉解者皆復位答拜長皆奠
解于其所皆揖其弟子弟子皆復其位爵皆無算利
洗散獻于尸酢及祝如初儀降實散于篚主人出立
于戶外西南祝東面告利成尸謏祝前主人降祝反
及主人入復位命佐食徹尸俎俎出于廟門徹庶羞

設于西序下。筵對席。佐食分盥。劔宗人遣舉奠。及長兄弟盥。立于西階下。東面北上。祝命嘗食。養者舉奠許諾。升入東面。長兄弟對之。皆坐。佐食授舉。各一膚。主人西面再拜。祝曰。養有以也。兩養奠。舉于俎。許諾。皆答拜。若是者。二皆取舉。祭食祭舉。乃食。祭劔。食舉。卒食。主人降洗爵。宰贊一爵。主人升酌。酌上養。上養拜受爵。主人答拜。酌下養。亦如之。主人拜。祝曰。酌有與也。如初儀。兩養執爵拜。祭酒。卒爵拜。主人答拜。兩養皆降。實爵于篚。上養洗爵。升酌。酌主人。主人拜受爵。上養卽位坐。答拜。主人坐。祭。卒爵拜。上養答拜。受爵。降。實于篚。主人出。立于戶外西面。祝命徹。阼俎。豆籩。設于東序下。祝執其俎以出。東面于戶西。宗婦徹。祝豆。籩入于房。徹主婦薦俎。佐食徹戶。薦俎。敦。設于西北隅。几在南。屏用筵。納一尊。佐食闔牖戶。降。祝告。



執巾者受尸入主人及賓皆辟位出亦如之嗣舉奠
佐食設豆鹽佐食當事則戶外南面無事則中庭北
面凡祝呼佐食許諾宗人獻與旅齒於衆賓佐食於
旅齒於兄弟尊兩壺於房中西牖下南上內賓立于
其北東面南上宗婦北堂東面北上主婦及內賓宗
婦亦旅西面宗婦贊薦者執以坐于戶外授主婦尸
卒食而祭饗饗雍饗賓從尸俎出廟門乃反位尸俎
右肩臂臑肫胙正脊二骨橫脊長脅二骨短脅膚三
離肺一剝肺三魚十有五腊如牲骨祝俎髀脰脊二
骨脅二骨膚一離肺一胙俎臂正脊二骨橫脊長脅
二骨短脅膚一離肺一主婦俎穀折其餘如胙俎佐
食俎穀折脊脅膚一離肺一賓骼長兄弟及宗人折
其餘如佐食俎衆賓及衆兄弟內賓宗婦若有公有
司私臣皆殺脅膚一離肺一公有司門西北面東上

獻次衆賓私臣門東北面西上獻次兄弟升受降飲

續古文辭類纂卷五